

LEFELO LE LE TLHOPHILWENG

KE MODIMO LA KOBAMELO

 A re saleng re eme motsotso fa re obela thapelo ditlhogo tsa rona. Mme jaanong, ka ditlhogo tsa rone di obilwe, mme ke a tshepa le dipelo tsa rona di obilwe, le tsone, ke a ipotsa gore ke ba le ba kae ka mo teng fano bosigong jono ba ba tlaa ratang go gakologelwa mo thapelang, ka nttha ya sengwe se se faphegileng? A lona ga lo tle fela go tsholetsa diatla tsa lona, mme lo reng, “Modimo, nneela bosigong jono seo se nna ke se senkang.” Morena a lo segofatseng.

² Rraetsho wa Legodimo, fa rona jaanong re atamela Sedulo seno se se golo sa thebolesego ka boikobo, ka tumelo, re sutela ka ko Dintlheng tse di ka Kwa; kwa Modimo, le Baengele, le Bokerubime, le lesomo lotlhe la Legodimo ba phuthegetseng ga mmogo gone. Gonno O ne a re go ka se ka ga nna le thaga e e welang fa fatshe ntengleng le gore Rara wa Legodimo a go itse. Ke mo go ntsi go feta ga kae mo A go itseng fano fa makgolo a batho ba ba obileng ditlhogo tsa bone, mme ba Go bileletsa ditopo tse di faphegileng. Rara, leba fa lefatsheng le le nang le letlhoko bosigong jono, gonno re batho ba ba nang le letlhoko.

³ Mme ke a rapela, Modimo, gore ka gonno re phuthegetse fano mme re Go bonaletsa tumelo ya rone mo Modimong yo o tshelang Yo o arabang thapelo; re tswile mo lefatsheng la batho ba ba sa rupisiwang, ga pelo le ditsebe, re tswile go tshela botshelo jo bo lomolotsweng, gape le go tshela re bolela tumelo ya rona mo go Wena. Bosingo jona re tshoeditse diatla tsa rona, mme re re, “Re na le letlhoko.” Modimo yo o rategang, araba topo nngwe le nngwe ya bone.

⁴ Mme ka nako e, Rara, re a rapela gore O tlaa re etela bosigong jono mo Lefokong. Re tletse fano kgopololo, kutlwisiso, gore re tle re itse fela ka foo re ka tshelang mo letsatsing lena la kajeno; se re tshwanetseng re se solofele, se re tshwanetseng go se dira. Gonno, re a itse gore go Tla ga Morena go atamela gaufi, go ya ka ditshupo tsotlhe tse baporofeti ba di boleletseng pele. Re atumela nako, Morena, fa e leng gore kgololo e feleletseng e tlaa neelwa bana ba Gago. Modimo, re letlelele, mongwe le mongwe, re nne koo, Rara. Mma go se nne le a le mongwe yo o timetseng. Ao ke maikaelelo a rona a go nna fano, Morena. Re a Go rata, mme re leka go baakanyetsa oura eo.

⁵ Bua le rone, re kopa gape, bosigo jono. Mme fodisa balwetse. Balwetsi botlhe le ba ba tlhokofetseng mo kagong e, re rapela gore O tlaa ba fodisa, Morena; mme bogolo segolo bone ba

ba nang le mathoko a semowa. Re rapela gore Wena o tlaa pholosa mowa mongwe le mongwe wa botho o o timetseng. Tlatsa modumedi mongwe le mongwe ka Mowa o o Boitshepo. Mme ntšhwafatsa nonofo le Thata mo baneng ba Gago ba ba dumelang. Dumelela dilo tsena, Rara. Re lopa mo go ntsints, ka gonne Wena o re boleletse wa re, “kopang ntalentsentletse, kopang dilo tse dikgolo, di le di ntsi tsa tsona,” gore maipelo a rone a tle a kgotsofadiwe. Mme re a di lopa mo Leineng la Jesu Keresete. Amen.

Lo ka nna lwa dula.

⁶ Nna go tlhomame ke tsaya ena e le tshiamelo ya seemo se se kwa godimo bosigong jono, go boa fano fa seraleng gape, fano mo sekolong seno se se golwane, go leba kwa bathong bano ba ba siameng thata ba ba phuthegetseng fano go reetsa Efangedi. Ke kopa boutlwelo botlhoko jwa Modimo go nthusa go lo bolelela Boammaaruri go fitilha kwa nna ke itseng Boammaaruri gone. Ena o santse a ka tswala molomo wa motho, go tshwana le ka fa A kgonneng go dira molomo wa tau. Mme fa le ka nako nngwe ke tlaa leka go bua sengwe sepe se se leng phoso le go nna kgatlhanong le nnete ya thato ya Gagwe, thapelo ya me ya boitsheko jwa pelo ke gore O tlaa tswalela molomo wa me, gore ke se tle go go bolela. Gonne, ammaaruri, nna ke batla go nna kwa Legodimong, ka bona; mme ga nkitla ke nna koo, gape, ntengleng le gotlhe moo, ke tlaa bo ke le moetledipele wa maaka, motho mongwe yo o dirileng sengwe ka maaka. Fa ke go dira, ke ka gonne ga ke itse mo go farologaneng. Morena a lo segofatseng.

⁷ Jaanong, ka moso maphakela, fa go le thato ya Modimo, ke ikaeleta go bua ka serutwa seo sa, *Lenyalo Le Tlhalano*. Mme re tshepa gore lo tlaa tla, le bo le tsise dipotoloto le dipampiri tsa lona. Ga re tle go diega thata, fela ke tlaa rata fela go . . . Moo e ne e le maikaelo a me a go boela fano, pele, mo Indiana, se ke lo soloeditseng sone. Mme ke tlaa leka, ka moso maphakela. Fa ke sa kgone ka moso maphakela, ke tlaa dira bosigong jwa ka moso. Fela ke ile go leka ka moso maphakela, fa Morena a ratile, go bolela ka serutwa se, dikolo tse pedi tsa monagano. Mme mma Modimo a re thuse go itse se e leng Boammaaruri, fela go itse se e leng Boammaaruri, gore re kgone go tsamaya mo Boammaaruring le mo Leseding. Rona . . .

⁸ Lo a itse, ne ke tlwaetse go nna le tsala e e godileng ya letegele. O ne a nthaya re, o ne a re, “Mokaulengwe Billy,” o ne a re, “Ga ke—ke batle bothata bope kwa nokeng.” O ne a re, “Ke batla go nna le thekethe ya me mo seatleng sa me. Mme fa phala e lela, nna ga ke batle bothata bope koo. Ke lopile Morena, bogologolo tala, fa go le sengwe se se leng phoso, nte ke se rarabolole gone jaanong,” ne a re, “ka gore go tlaa bo go le letobo ebile go tsubutla mo mosong oo motlhhang sekepe se gogelang ntle go ya letlhakoreng le lengwe.” Ne a re, “Ga ke batle kgoreletso epe. Ke batla go e rarabolola yotlhe jaanong”. Seo

ke se re leng fano ka ga sone, go leka go rarabolola dikgoreletsi tsotlhe, gore re tle re kgone go pagama ka oura eo.

⁹ Jaanong, ga ke tle go bua le lona lobaka le le leele thata bosigong jono, ka gonne re na le ditirelo di le pedi ka moso. Mme ke tloge ke tsamaye gone foo, go ya golo gongwe go sele, ko go e nngwe, ditirelo tse di fetang.

¹⁰ Fela, jaanong, mo Bukeng ya Doiteronomio. Ke eletsa go bala go tloga fa kgaolong ya bo 16, ditemana tsa ntlha di le tharo, tsa ga Doiteronomio 16:1 go fitlha go 3.

Tlhokomelang kgwedi ya Abibi, mme le tshegetse tlolaganyo... MORENA Modimo wa lona:...mo kgwedding ya (bonê) ya Abibi MORENA Modimo wa lona o le ntshitsé fano go tswa—go tswa Egepeto e le bosigo.

Ke gone ka moo lona lo tlaa tlhabelang MORENA Modimo wa lona ga difutshane le ga dikgomo, kwa felong fa MORENA o go tlhophileng go bayaa Leina la Gagwe teng.

¹¹ Jaanong, serutwa sa me bosigong jono ke: *Lefelo Le Le Tlhophilweng Ke Modimo La Kobameло.*

Fa lo lemoga, kgwedi ya A-b-a-d...-b go na le, e kaya, “Moranang.” Kgwedi ya Moranang ke nako e ba neng ba falotswa.

Mme jaanong selo sa seeng ke gore rone bosigong jono, jaaka baobamedi ba Modimo, mo motheng o o re tshelang mo go one, mme re fitlhela dikakanyo tse di ntsi thata jang tse di farologaneng tsa batho. Mme fa fela go sa na le dikakanyo tse di farologaneng ka sengwe, go tshwanetse go nne le dipotso tse di farologaneng; go tshwanetse go nne le karabo e le nngwe ya nnete ya potso nngwe le nngwe e e boditsweng.

Fa ke tlaa botsa potso, “Sena ke eng?”

“Sentle,” ba tlaa re, “lomati.”

“Lone ke la eng?” Lo a bona?

¹² Jaanong, foo, mongwe a ka nna a re, “Ga se lomati. Ke boroto.” Sentle, gone ke boroto, fela ntswa go le jalo ke lomati. Lo a bona, go tshwanetse go nne le karabo ya nnete ya yone.

Mme fa ke tlaa botsa potso ka ga sengwe le sengwe, go tshwanetse go nne le karabo ya nnete. Go ka nna le sengwe se se tshwanang thata le yone; fela go tshwanetse go nne le karabo ya nnete, e e lebaganeng ya potso nngwe le nngwe. Jalo, ka moo, potso nngwe le nngwe e e tlhagelelang mo matshelong a rone, go tshwanetse go nne le karabo ya nnete, e e nepagetseng.

¹³ Mme jaanong, gompieno, re utlwa—utlwa go buiwa, ba le bantsi thata jang ba batho ba bo rone mo lefatsheng gompieno...

Ka ke le moanamisa tumelo, ke tsere mesepele e e mmalwa go kgabaganya lewatle le go dikologa lefatshe, ke nnile le kamano le ditsamaiso tsa bodumedi jo bo farologaneng jo bontsi, jaaka Buda, le Bamohamete, le Masikhi, le Majeinsi, le eng gape e go ka nnang yone, ya ga ditsamaiso tsa bodumedi mo lefatsheng. Mme foo fano mo Mafatsheng a a Kopaneng a e leng a rone; le mafatshe a sele a mangwe, ke kopane le tsotlhe dikereke tsa rona tse di farologaneng, jaaka dikereke tsa rone tsa makoko, go simolola ka kereke ya Khatholike ya kwa Roma ya sešeng, mme go tloge go nne ko ya Segerike, le jalo jalo, le me—meletlo ya sedumedi e e farologaneng, mme go tloge go fologele ka ko dipa . . . dipakeng tsotlhe tsa makoko, tsa ga makoko a Maprotestante a a makgolo a a ferang bongwe le sengwe a a farologaneng.

Jaanong, mongwe le mongwe wa bone, jaaka go sololetswe, o ne o ka kgona go bona kakanyo ya bone, mme nka se ka ka ba supa ka monwana. Mongwe le mongwe o ithaya gore bone ke boammaaruri, bone ba na le boammaaruri. Mme batho ba ba leng ba dikereke tseo ba tshwanetse ba dumele seo, ka gonne bone ba betšitse ka bo—bogorogelo jwa bone, bogorogelo jwa bone jwa kwa Bosakhutleng, mo godimo ga dithuto tsa kereke eo. Mme bone ba farologana thata jang, mongwe le yo mongwe, go tsamaya go dira dipotso tse di farologaneng tse di makgolo a a robang bongwe le sengwe.

Ke gone ka moo, go leng dipotso tse di farologaneng tse di makgolo a a robang bongwe le sengwe, go tshwanetse go nne le Karabo e le nngwe e e nepagetseng. Mme nna ke tlaa rata bosigong jono, e leng gore re leka go ya Legodimong, le go kgatlhantsha Morena wa rona Jesu Yo rotlhe re mo ratang, ke tlaa rata go phuruphutsa ka mo Dikwalong go bona seo.

¹⁴ Jaanong, fa e le gore ke potso ya Baebele, ka ntlaa eo e tshwanetse e nne le karabo ya Baebele. Ga e a tshwanela go kgona go tswa mo setlhopheng sa banna, go tswa kwa kabalanong epe e e rileng, kgotsa go tswa go morutintshi mongwe, kgotsa go tshwa lekokong lengwe. E tshwanetse e tswe ka tlhamallo ka mo Lekwalong, kwa lefelo la Modimo la go kopana le leng gone, la kobamelo. Mme ka tlhomamo, a leng Modimo, go lefelo la go kopanela golo gongwe, kwa A kgatlhanang.

¹⁵ Jaanong, re fitlhela gore fano mo go Doiteronomio fano, kwa tshimologong, Moshe a boka a boeletsa Lekwalo, dilo tse a neng a di ba bolelela; ka foo A neng a ba falotsa ka letsogo le le golo, le le maatla, go tswa Egepeto, mme ne lantla a ba tlhoma.

Ba ne ba bidiwa go twe “batho ba Modimo” go tsamaya ba tswa ko Egepeto, mme ba tloga ba bidiwa go twe “kereke ya Modimo.” Ka gore, kereke ke go phuthegela, kgotsa, ka mmanete, kereke e raya gore “bangwe ba ba bileditsweng ntle,” bao ba ba

nnileng ba biletswa ntle. Mme ba ne ba tswa Egepeto, gore ba tle ba nne kereke.

¹⁶ Jaanong Modimo o ne a ba bolelela, motlhlang ba ne ba . . . pele ga ba ne ba tlhoma tempele kgotsa le fa e ka nna eng fela e ba e dirileng, “Ke tlaa tlhopha lefelo la kobamelo ya Me, mme Ke tlaa baya Leina la Me mo go lone.” Mme leo ke lefelo le le nosi kwa Modimo a tlaa kgatlhantshang motho ope, e ne e le ka tlhopho e e Leng ya Gagwe. O ne a tlhopha lefelo la Gagwe. Mme kwa A tlhophileng lefelo la Gagwe, O beile Leina la Gagwe. Temana ya bo 2 fano e re bolela gore, “Ena o tlaa baya Leina la Gagwe mo lefelong le A le tlhophetseng gore batho ba Gagwe ba Mo obamele mo go lona.” Jaanong, selo sa teng ke gore, re batla go fitlhela kwa lefelong leo le leng gone.

¹⁷ Ka dikakanyo tse di makgolo a a robang bongwe le sengwe tse di farologaneng, e leng gore rone re feta bodumedi jotlhe jwa baheitane ka tsela e e faposang, mme re bua fela ka ga bodumedi jwa Bokeresete. Ka e le gore, ke na le maikutlo ka ntlha ya baheitane, kgotsa nna go tlhomame ke ne ke sa tle go ya ka koo ebile ke bue le bone. Fela, bone ba phoso. Bokeresete ke bodumedi bo le esi jo bo leng ba nnene, ke Bokeresete. Mme ke bua seo e seng ka gore nna totatota ke Mokeresete; ke ka gore, ke dumela seo go nna Boammaaruri. Jone ke bodumedi bo le nosi jo bo siameng.

¹⁸ Ke ne ka ya kwa lebitleng kwa pitsi e tshweu e fetolwang dioura dingwe le dingwe tse nnê. Kwa, Mohamete, moperisiti yo mogolo le—le moteledipele gone morago ga Keresete, a neng a akanyetswa gore ke moporofeti, mme, ga ke belaele fela se a neng a le sone, gone fa morago ga bakaulengwe ba boora Makhabii. Fela motlhlang bone . . . O ne a swa. O ne a bua go se na bosupi gore ena o tlaa tsoga gape a bo a gape lefatshe lotlhe. Jaanong, go ka nna dioura dingwe le dingwe di le nnê ba fetola motlhokomedi, gape ba tshola pitsi e tshweu fa lebitleng la gagwe. Ba nnile, ka dingwaga di le dikete di le pedi, ba mo sololetse gore a tsoge gape a bo a gape lefatshe. Fela lo a bona . . .

¹⁹ Mme o ye kwa go Buda; Buda o tshedile dingwaga tse di ntsi tse di makgolo, go ka nna dingwaga di le makgolo a masome mabedi le boraro tse di fetileng, modimo wa—wa Japane. Mme jalo o ne a le motlhalefi wa kakanyo, sengwe jaaka Khonfushiase, le jalo jalo.

Fela botlhe bana, ka gore . . . basimolodi, le jalo jalo, botlhe ba bone ba sule ka ditumelo le dikakanyo tsa bone, mme ba fitlhilwe ebile ba mo lebitleng.

Fela Bokeresete, jo bo tlhomilweng ke Jesu Keresete, go lebitla le le leolea. Ke Ena Motho a le esi yo le ka nako nngwe a emeng mo lefatsheng, mme a tshela a ba a re, “Ke na le thata ya go baya botshelo jwa Me fa fatshe le go bo tsosa gape.” Mme O ne a go dira. Mme O a tshela gompieno.

Mme re a itse gore O a tshela, ka gonne O na le rona mme o Ithurifatsa ka ditshupo tse di bonalang le dikgakgamatso, tse A di soloeditseng gore O tla di dira go go supegetsa. Le mo e leng gore, Pinagare ya Molelo e e neng ya etelela pele bana ba Israele go ralala bogare ga naga, e na le rona gompieno, e dirile le e leng gore setshwantsho sa Yone se tshwantshiwe; e diragatsa ditshupo le dikgakgamatso tse A soloeditseng gore E tlaa di dira mo motlheng ono, re bonang Mafoko otlhe a A a soloeditseng a bonatshiwa mo motlheng ono. Ke gone ka moo, e leng gore botlhe ba ba setseng ba lefatshe la baihetane ba kwa ntle. Ke Bokeresete!

²⁰ Jaanong, e leng gore go na le dipotso di le makgolo a a robang bongwe le sengwe ka ga ka kwa Modimo a kopanelang gone, “Ena o kopana le Mamethodisti, kgotsa O kopana mo Mapabatisting, mme O kopana mo go *lena*, le *lele*, le le lengwe le *sele*.” Jaanong, go na le potso moo, jalo mongwe le mongwe o tshwanetse go senka pholoso ya gagwe ka poifo le teteselo.

Fela bosigong jono ke batla go leka go bona, le go rurifatsa mo Lekwalong, kwa lefelo le le nepagetseng le leng gone kwa Modimo a kopanelang gone mme a galaletsang le batho. Mme, fa moo go le gone, moo ke lefelo le le esi kwa A tlaa kopanelang le ka motlha o le mongwe.

²¹ Jaanong, re tsere temana ena go tswa mo go Doiteronomio. Ke lefoko la Segerika le le nang le bokao jo bo fetang bo le bongwe, kgotsa, le kaya, “melao e mebedi.” Lefoko la Segerika, *Doiteronomio*, le raya gore “melao e mebedi e e farologaneng.”

Mme seo ke fela se Modimo a nang naso, melao e mebedi e e farologaneng. Mme mongwe wa yone ke molao wa loso, mme o mongwe o sele ke molao wa Botshelo. Modimo o na le melao e mebedi. Go Mo latela, le go Mo direla le go Mo obamela, ke Botshelo; go O gana ke loso. Go na le melao e mebedi mo go Modimo.

²² Jaanong, o le mongwe wa melao eo o ne wa lemog-... wa dirwa o lemogiwe ko lefatsheng, kwa Thabeng ya Sinai. Modimo o ne a neela Moshe le Israele molao o. Eseng gore molao o ne o ka kgona go ba thusa, fela molao o ne fela wa ba supetsa gore ba ne ba le baleofi. Go tsamaya ka nako eo, ba ne ba sa itse se boleo bo neng bo le sone, go tsamaya ba nna le molao. Go ka se ka ga nna le molao ntle le kothhao. Molao ga se molao, fa o sena kotlhao. Jalo, ka moo, “Tlolo ya molao ke sebe, mme dituelo tsa sebe ke loso.” Jalo ka moo, go tsamaya Modimo a se na go ba direla molao, go ne go se tlolo-molao epe e e neng ba e balelwa.

Fa go se molao ope fano o o reng o ka sekwa taboga go tlola dimaele di le masome mabedi ka oura, go raya gore o ka kgona go taboga go feta dimaele di le masome mabedi ka oura. Fela fa go na le molao o o reng o ka se ka wa go dira, go raya gore go na le molao le kotlhao go o tshegetsia.

²³ Jaanong, loso, molao wa loso, e ne le ditao tse di neilweng ko Thabeng ya Sinai, tse di boleletseng motho gore o ne a le moleofi. Mme, go tlola molao wa Modimo, o ne a swa. Fela ga go na phalotso mo molaong o. Lepo... O ne o le fela lepodisi le le neng le kgona go go tsenya mo kgolegelong; o ne o se na sepe go go ntsha ka sone.

Fela O ne a tloga a neela molao o mongwe, moo e ne e le kwa Thabeng ya Golegotha, kwa sebe se neng sa kgatlhantshwa gone mo go Jesu Keresete, mme foo kotlhao e ne ya duelelwa. Mme e seng ka... Ntleng ga molao, “fela ka thebolesego le a bolokesega,” ka thebolesego ya Modimo, ka tlhomamisetso pele ya kitsetsopele ya Modimo ya botho jwa lona.

²⁴ Jaanong re bona melao e mebedi eno, Doiteronomio, le bolelang ka melao e mebedi. Go ne go le melao e mebedi. O le mongwe o ne le molao wa loso, mme o mongwe o le molao wa Botshelo.

²⁵ Go ne gape go le dikgolagano di le pedi tse di neng tsa neelwa batho. Re ile go buwa ka tsone mo mosong.

Nngwe ya tsone e ne ya neelwa Atamo le ntlha ya tumalano gore, “fa o dira *sena* mme o sa dire *sele*,” fela molao oo o ne wa tlolwa. Atamo, Efa o ne a tlola oo, ko tshimong ya Etene.

Foo Modimo o ne a dira kgolagano ya bobedi, a bo a e neela Aborahama, mme molao oo o ne o se na dintlha tsa tumalano. “Ga se se o se dirileng kgotsa se o tlala se dirang,” O ne a re, “Ke setse ke se dirile.” Moo ke letlhogonolo. Oo ke molao wa Botshelo. Modimo o ne a direla Aborahama seo le Peo ya gagwe morago ga gagwe, ke gore, Peo yotlhe ya ga Aborahama.

Jaaka Baebele e boletse e re, “Iseraele yotlhe e tlala bolokesega,” fela moo ga go kaye Majuta. Jaaka Paulo a ne a re, “Iseraele eo e leng ka mo teng, kgotsa Iseraele ya ka fa ntle.” “Kwa ntle,” jaaka re ne ra bua ka gone bosigo jwa maloba, e ne e le bana ba ga Isaka, ka thobalano. Fela molao wa Modimo o ne o le ka Keresete, yo o neng a le Peo ya ga Aborahama ya Bogosi, gore, “ka thebolesego Iseraele yotlhe e bolokesegile.” Moo ke gore, “Boltle ba ba leng ka mo go Keresete ba bolokesegile,” boltle, kgolagano ya Modimo ya bobedi. Fela dilo tsotlhe tsena di ne di bontshetsa pele Keresete.

²⁶ Jaanong lemogang temana ya bo 2. Temana ya bo 2 fano mo go Doiteronomio 16, “Obamelang mo lefelong le Nna ke le tlhophileng.” Jaanong o tshwanetse o obamele Modimo, O ne a re, “Mo lefelong le Nna ke le tlhophileng,” e seng se mongwe o sele a se tlhophileng, fela, “se nna ke se tlhophileng.”

Jaanong, fa Modimo a tlhophile lefelo, go a re tshwanela ka nako e go batlisisa se A se buileng ka ga lona. Le kwa le leng gone? Ke batla go le fitlhela, ka gore, ammaaruri, ke batla go Mo obamela.

Rona rotlhe re fano, bosigo jono, go Mo obamela. Re dutse fano bosigo jono, re le Mamethodisti, Mabaptisti, Khatholike, Basupi ba ga Jehofa, Baboranyane jwa Bokeresete, le tsotlhe, fela rotlhe re senka sengwe.

Re batla go itse Boammaaruri. Baebele e ne ya re, "Lo tlaa itse Boammaaruri, mme Boammaaruri bo tlaa lo golola."

Mongwe, o ka se ka wa itse se o se dirang, ga o itse ka foo o tshwanetseng go go dira go tsamaya o itse ka foo o tshwanentseng go go dira ka teng; ga o itse se o tshwanetseng go se dira go tsamaya o itse ka foo o tshwanetseng go se dira, ke raya moo. O tshwanetse go itse se o se dirang le ka foo o tshwanetseng go se dira ka teng.

²⁷ Sena se re supegetsa gore Modimo o na le lefelo la go kopanela la baobamedi ba Gagwe, kwa lefelong le le lengwe le le rileng. Mo lefelong leo, fela, Modimo o kopana le baobamedi ba Gagwe.

²⁸ Jaanong, gape, lefelo le A le tlhophetseng baobamedi ba Gagwe, O ne a le bolela gore O tlaa baya Leina la Gagwe gone. Jaanong a re phuruphutseng mme re boneng, ka Lekwalo, kwa lefelo lena le leng gone. Go tlhomame, fa Modimo a rile O tlaa baya Leina la Gagwe mo lefelong le Ena a le tlhophileng go kopana le batho mme a galaletse le bone... kgotsa bone ba Mo obamele, ke raya seo, gore le golo gongwe mo Baebeleng, gonne le nnile le le gone ka dipaka tsotlhe.

²⁹ Mme Modimo yo mogolo yo o sa fetogeng a ka se ka a fetoga. Motho o a fetoga. Fela lona lo ka baya botshelo jwa lona mo selong sengwe le sengwe sepe se Modimo le ka nako nngwe a se buileng ka nako nngwe, ka gore ke Boammaaruri. Sone ke Boammaaruri. Ka gore, ke selo se le esi se nka nnang le boikanyo mo go sone, ke Baebele. Ka gore, lefoko la motho le tlaa palelwa, fela Modimo o botlhokwatlhokwa.

Ngwaga o ke tshwanetse go itse mo go ntsi go feta go na le ka fa ke neng ke itse ngwagola. O tshwanetse, le wena, letsatsi le letsatsi. Rona re na le selekanyo, jalo ke gore re boelwa ke kitso.

Fela Modimo ga a na selekanyo. Ena ke yo o senang selekanyo. Mme, a leng yo o senang selekanyo, ga A kgone go boelwa ke kitso. O itekanetse, go tloga tshimologong. Tshweetso nngwe le nngwe e tshwanetse e nepagale totatota.

³⁰ Mme tsela e Modimo a tsereng kgato ka nako nngwe, Ena o tshwanetse ka metlha yotha a tsaye kgato ka metlha yotha ka tsela eo, kgotsa Ena o tsere kgato e e phoso motlhlang A neng a tsaya kgato la ntsha. Fa motho a ka ba a tla kwa Modimong ka ntsha ya polokesego, mo godimo ga motheo o A mo amogetseng mo go one, go tshwanetswe go amogelesege mo godimo ga motheo oo nako nngwe le nngwe. Go jalo. Fa motho a ka ba a tlela phodiso ya Selegodimo ko Modimong, mme Modimo a mo amogela mo godimo ga motheo o o rileng; motho yo o latelang fa

a tla, O tshwanetse go mo amogela ka tsela e e tshwanang, kgotsa Ena o dirile phoso fa A ne a amogela motho wa ntlha. Modimo o dirile motheo o A tlaa kopanang le motho mo go one. O dirile motheo wa se A tlaa se dirang, ka foo A tlaa se dirang ka teng, mme seo e ne e le ka madi a kwana e e neetsweng setlhabelo ko tshimong ya Etene. Modimo ga a ise, ka nako epe, a ko a go fetole.

³¹ O tseretshweetso ka foo A tlaa bolokang motho ka gone. Rona re lekile gompieno go rutela motho gore a tsene ka fa teng; re lekile go ba tsenya sekolo, ra leka go ba ruta, ra leka go dira makoko, ra leka go dira dilo tsotlhe tseno tsa mefuta e mengwe; re ba tsenya mo teng, re ba tshikinyetsa ka mo teng, re ba kolobeletsa ka mo teng, ka tsela nngwe le nngwe e sele e e leng teng, re ba tsisa mo teng ka makwalo. Fela go santse go setse, go tshwana, Modimo o kgatlhantsha motho fa tlase ga Madi a a tsholotsweng a Kwana. Madi a ne a le tsela ya Modimo go tloga ko tshimologong, mme Madi ke tsela ya Modimo bosigo jono. Go gontle go dira boikwatlhao le dilo tsotlhe tsena, fela polokesego e tla fela ka Madi. Madi ke tsela e le esi e Modimo a e tlhophileng go boloka motho, mme A ka se kgone go e fetola.

³² Jobe o ne a na le selo se se tshwanang. O ne a itse gore o ne a thokgame, ka gore o ne a ntshitse setlha—setlhabelo se Modimo a neng a se mmatlile.

³³ Jaanong, a re phuruphutseng jaanong go kgonas go bona se lefelo lena le leng sone, le lefelo le A beileng Leina la Gagwe gone. Re ile go tshwanela go batlisisa kwa A beileng Leina la Gagwe gone. Foo, fa re fitlhela se Leina la Modimo le leng lona le kwa A le beileng, ka nako eo re bone lefelo la kobamelo gone fela foo.

Dilo tsena tsotlhe, jaaka go sololetswe, di ne di le meriti ya dilo tse di tlaa tlang. Melao yotlhe e ne e dira diponelopele tsa dilo tse di tlaa tlang.

³⁴ Fela jaaka, ngwedi e le moriti wa letsatsi. E direla mo go senneng teng ga letsatsi, fela jaaka kereke e tshwanetse go direla mo boseyong jwa ga M-o-r-w-a Modimo. Mo boseyong jwa Morwa, Lesedi le le nnye, Kereke, badumedi, ba direla Modimo mme ba neela Lesedi mo boseyong jwa Morwa. Fela fa letsatsi le tlhatloga, ga o sa tlhola o bona ngwedi gape, ka gore one o kotlometset. Ga le sa batla lesedi la one gape, ka gore lona fela le fitlhela lesedi la one le le le seng la kwa tshimologong, e le le le tswang kwa letsatsing. Jaanong, jaaka monona le mohumagadi, letsatsi le ngwedi ke, Kereke le Keresete.

³⁵ Jaanong re fitlhela, gore, dilo tsena di leng moriti wa ga Keresete. Setlhabelo sengwe le sengwe, moletlo, le sengwe le sengwe mo Kgolaganong e Kgologolo, di ne di bonelapele Keresete; fela jaaka moriti o bonala go kgabaganya bodilo. Jaanong fano ke kwa re ileng go tshwanela go bona lefelo le le nepagetseng la go obamela, ke go boela morago fano mo

Kgolaganong e Kgologolo kwa go neng ga neelwa gone mme re boneng kwa dilo tseno di neng di le gone.

³⁶ Jaanong, fa moriti o fitlha go kgabaganya bodilo, o kgona go bolela a kana ke monna, mosadi, kgotsa seruiwa, kgotsa le fa e ka nna eng se go leng sone, ka gore go latlhela moriti mo bodilong. Mme jaaka moriti oo o nna mokhutshwane, moriti o leng se se emetseng sa nneta; mme ga go kake ga nna le moriti ntlang le sone se se emetsweng ke moriti. Ke gone ka moo, fa se se emetsweng ke moriti se nna se se leng gaufi le moriti, moriti o metsetswa ka mo go se se emetsweng ke moriti. Moriti le se se—se se emetsweng ke moriti di tlaa ga mmogo, mme seo se go dira ka nako eo se se neng se emetswe ke moriti.

Mme fa “dilo tsotlhe tsa kgale,” Baebele e buile ya re, “mo Kgolaganong e Kgologolo, go ne go le meriti ya dilo tse di tlaa tllang,” ka lebaka leo ke gone gore Keresete o ne a le moriti wa dilo tse di tlaa tllang.

³⁷ Jalo re kgona go bona, ka meriti ya Kgolaganon e Kgologolo, kwa A neng a kgetha go baya Leina la Gagwe, le go...ka nako e. Jaanong, jaaka meriti e le ka teng, e kgabaganya bodilo, ke ne ka re, ke moriti wa se se emetsweng, e leng setshwantsho. Jalo rona, baobamedi, le rona re kgona go bona meriti ya Kgolaganon e Kgologolo e nyelela ka bonya go ya ka mo go se se emetsweng ke meriti ya e Ntshwa.

³⁸ Jaanong, meletlo yotlhe, malatsi a boitapoloso, motlaagana otlhe, dikgong tsotlhe, sengwe le sengwe mo motlaaganeng, sengwe le sengwe se ne se dira moriti wa ga Keresete. Dikabelo tsotlhe, melao yotlhe, sengwe le sengwe se ne se dira moriti wa ga Keresete. Re nnile ra go ralala, nako morago ga nako, fano fa motlaaganeng.

Foo re a bona, ka dilo tsena, gore tumelo nngwe le nngwe ya kereke, kereke, le lekoko di tlogetswe kgakala kwa morago. Ga di le e leng mo peisong, gotlhelele. Tumelo nngwe le nngwe ya kereke, kereke nngwe le nngwe, lekoko lengwe le lengwe, gotlhelele go tlogetswe fa ntle. Ga go lefelo lepe gotlhelele la tsone.

³⁹ Ga go sepe se se diretsweng moriti mo Kgolaganong e Kgologolo, kgotsa gongwe le gongwe mo Baebeleng, sa kereke, fa e se seoposengwe se se pateeditsweng sa tora ya Babele. Seo ke selo se le esi se se dirang moriti seoposengwe. Ka gore, go ne ga tla Nimerote, monna yo o bosula yo neng a bolola a bo a pateletsa mafatshe a mannye go tla ka mo lefelong le le lengwe le tora ena e kgolo. E ne e le kobamelo ya sedumedi, jaaka go solofetswe, fela ga e tsewe tsia ka mo Lefokong la Modimo. Jalo koo ke kwa le bonang bodumedi jwa selekoko bo direlwa moriti, tora ya Babele, mo Kgolaganong e Kgologolo. Se e leng gore, bodumedi jono go ne go tlhomame e ne e le bodumedi, fela e sang bodumedi jwa Lefoko la Modimo.

⁴⁰ Modimo ga a kgetha go bay a Leina la Gagwe mo lekokong lepe. Ke batla Lekwalo la sone, fa le le teng. Ke a itse ba bua go se na bosupi bope gore O dirile, fela ga A a dira. Ena a ka se beye Leina la Gagwe mo mafelong a le mantsi, ka gore Ena o rile O beile Leina la Gagwe mo lefelong le le lengwe. Mme, lefelo le le lengwe leo, lengwe le lengwe la lekoko la rona le batla go bua gore bone ke lefelo leo, fela go kgatlhanong le nnete.

Fela ke kae kwa A beileng Leina la Gagwe gone?

⁴¹ Jaanong, mme, Ena, Leina la Gagwe ke mang, pele? Re tlaa tshwanele go batlisisa (Leina) se Leina la Modimo le leng sone pele ga re ka kgona go bona gore ke eng se A se bayang mo lefelong le.

Jaanong, re bona gore O ne a na le maemo a le mantsi. Ena o bidiwa Ra . . . O ne a bidiwa go twe “Rara,” se se leng setlhogo. Mme O ne a bidiwa go twe “Morwa,” se se leng setlhogo. O ne a bidiwa go twe “Mowa o o Boitshepo,” se se leng setlhogo. O ne a bidiwa go twe, “Rosa ya Sharone,” se e leng setlhogo. “Leshoma la Mokgatšha,” setlhogo, “Naledi ya Masa.” “Jehofa-motlamedi, Jehofa-mofodisi,” maina a supa a a farologaneng, a bokao jo bo fetang bo le bongwe, a a rekololang, mme otlhe a one a ne a le ditlhogo. Ga go ope a one a a neng a le maina.

Fela Ena o na le Leina.

⁴² Erile a kopana le Moshe, O ne a ise a nne le Leina ka nako eo, mme O ne a bolela Moshe a re, “KE NNA YO KE LENG NNA.” Mme fa re bona Jesu mo lefatsheng, a bua mo go Bahebere kgaolo ya bo 6 . . . Ke kopa lo intshwareleng, Moitshepi Johane kgaolo ya bo 6. O ne a re, “KE NNA YO KE LENG NNA.”

Ba ne ba re, “Goreng, Wena o Monna yo o iseng a fete bogolo jwa dinyaga di le masome a a matlhano, mme o re gore Wena ‘o bone Aborahama?’”

⁴³ O ne a re, “Pele ga Aborahama a nna gone, NNA KE NE KE LE NNA.” Mme “KE NNA” o ne a le Yene, sekgwaa se se tukang, Pinagare ya Molelo e e neng e le ko sekgweng se se tukang bogologolo tala ko metlheng ya ga Moshe, ene “KE NNA YO KE LENG NNA.”

⁴⁴ Mme jaanong re bona gore Jesu ne a re, gape, “Ke tlide mo Leineng la ga Rrê, mme ga lo a Nkamogela.” Ka ntlha eo, Leina la ga Rara le tshwanetse go nna Jesu. Go jalo. Leina la ga Rara ke Jesu, ka gonne Jesu o ne a rialo. “Ke tshotse Leina ga Rrê. Ke tla mo Leineng la ga Rrê, mme ga lo a Nkamogela.” Go raya gore, Leina la Gagwe le ne le le Jesu.

Mme Gabariele o ne a Mmitsa Jesu, baporofeti ba ne ba Mmitsa Jesu, mme Ena go se pelaelo epe o ne a le Jesu. Pele ga tsalo ya Gagwe, le e leng moporofeti o o boitshepo o ne a bitsa Leina la Gagwe *Emanuele*, le le leng gore, “Modimo a na le rona.” Ka ntlha eo, “Modimo o ne a bonatswa mo nameng, gore a tle a

tlose boleo jwa lefatshe,” mme, mo go direng jalo, O ne a neelwa Leina la Jesu. Jalo, Jesu ke lona Leina.

Mme Leina le ne la bewa ka mo Mothong; eseng kereke, eseng lekoko, eseng tumelo ya kereke, fela Motho! O ne a tlhopha go bay Leina la Gagwe mo go Jesu Keresete. Jaanong re fitlhela gore ka nako eo O ne a fetoga go nna lefelo la Modimo la go obamela, kwa o Mo obamelang gone.

⁴⁵ Bogologolo tala le e leng pele A ka tsalwa, Leina la Gagwe le ne le bidiwa Jesu. Le ne le le botlhokwa thata jang, lona le ne la neelwa Mmaagwe ke Moengele Gabariele, gore Leina la Gagwe le tlaa bidiwa go twe “Jesu, Morwa Modimo,” yo neng a le Ene.

⁴⁶ Foo re na le lone, foo. Leno ke lone, le le esi. Ke lone, la Gagwe a le esi, lefelo la Modimo le le kgethilweng la go obamela. Lefelo la Modimo, le tlhophilwe. Modimo o ne a kgetha go kopana le motho; ne go se mo kerekeng, eseng mo lekokong, eseng mo tumelong ya kereke, fela mo go Keresete. Leo ke lone lefelo le le esi le Modimo a tlaa kopanelang le motho gone, mme ena a ka obamela Modimo, ke mo go Keresete. Leo ke lone lefelo le le esi. Go sa kgathalesege fa wena o le Momethodisti, Mobaptisti, Mokhatholike, Moprotestante, le fa go ka nna eng e o ka tswang o le yone, go fela lefelo le le lengwe kwa o ka kgonang go obamela Modimo ka nepagalo, moo ke mo go Keresete.

Baroma 8:1, ne la re, “Ke gone moo ga go na katlholo epe mo go bao ba ba leng mo go Keresete Jesu, ba ba sa tsamayeng fa morago ga nama, fela fa morago ga Mowa.” Eo ke Efangedi.

⁴⁷ Re ka farologana mo ditumelong tsa kereke. Re ka farologana mo menaganong e e lekang go tlhalosa sengwe e e dirilweng ke batho. O ka ya kwa kerekeng ya Methodisti, o tshwanetse o nne Momethodisti; Baptisti, Mobaptisti; Khatholike, Mokhatholike. Fela mothlang gangwe o kolobeletswa ka mo go Keresete, mme o fetoga go nna leloko la Mmele wa Gagwe, ga go na dipharologano dipe. Dipota tsa mo magareng tsa lebota le le kgaoganyang dikamore le thubakakilwe mme wena o gololesegile, ka gonne o ka mo go Keresete Jesu. Mme wena o obamela Modimo mo Moweng le mo Boammaaruring fa wena o le mo go Keresete Jesu. Ke leano la Modimo la gago la gore wena o Mo obamele mo go Keresete Jesu.

⁴⁸ Jaanong, ga go lekoko la kereke epe le le ka kgonang go tsaya se e le sesalone, ga go ope yo o ka tsayang seo e le sesagagwe. O pelokgale jang go bolela se se jaaka seo o se na bosupi? Go dira selo se se jaaka seo e tlaa nna mowa wa monagetsa-Keresete, o tlaa bo o tlosa mo go Keresete; go tsaya mo go Ena. Ga o kake wa dira seo. Keresete ke lefelo le le esi le Modimo a kopanang le baobamedi gone.

⁴⁹ Ba re, gompieno. Ke nnile le batho ba mpolelela. Monna o ne a nteletsa e se bogologolo, mo Beaumont, Theksase. O ne a re, “Rrê Branham, fa leina la gago le seyo mo bukeng ya kereke

ya rona, o ka seka wa tsena Legodimong." A le ka nako nngwe o ka akanya ka ga seo? O se ka wa dumela selo se se jaaka seo. Ba akanya gore o tshwanetse o nne leloko la kereke eo e e rileng kgotsa wena o ka se kgone go ya Legodimong. Moo ke phoso. Go dumela seo, ke boganetsa-Keresete. Ke tlaa bua sena: fa o dumela mowa o o jalo, o timetse. Eo ke tshupo e e bonagalang gore wena o timetse, ka gonnie ke go fokotsa mo go se Modimo a se dirileng. Modimo ga a ise a ke a beye Leina la Gagwe mo kerekeng epe. Ena O Le beile mo Morweng wa Gagwe, Keresete Jesu, motlheng Ena le Morwae ba ne ba fetoga go nna Bangwe. Leo le lefelo la popota la kobamelo. Ga go metheo epe e sele e e neng ya thewa, ga go lefika lengwe lepe.

Mo go Keresete, Lefika le le kwenneng, ke eme;
Mabu a mangwe otlhe ke motlhaba o o
nwelang.

Makoko a tlaa phutlhama mme a we, ditshaba di tlaa nyelela, fela Ena o sala le teng ka metlha le metlha. Ga go lefelo le lengwe le motho a ka le bonang, go obamela Modimo, le Modimo a tlaa mo arabang gone, ga go lefelo lepe fa e se mo go Keresete Jesu. Leo ke lone lefelo le le esi, lefelo le le esi le Modimo a le tlhophileng go baya Leina la Gagwe, gape lefelo le le esi kwa A kopanang le motho gone, go obamela. O timetse, fa o dumela sengwe se sele.

⁵⁰ Lemogang, meletlo yotlhe e supa ya Majuta e ne e direlwa fa lefelong le le tshwanang. Ga ba ise ba dire moletlo o le mongwe *fano* ka ntlha ya Momethodisti, le o le mongwe ka *kwano* ka ntlha ya Mobaptisti, o le mongwe ka *kwale* ka ntlha ya Mopresbitheriene, o le mongwe fa morago *fano* ka ntlha ya Makhatholike, mme o le mongwe ka ntlha ya Maprotestante. Meletlo yotlhe e supa e ne e direlwa fa lefelong le le lengwe.

⁵¹ Ke moriti o o montle thata *fano*. Re fetsa fela go wetsa Dipaka Tse Supa Tsa Kereke, re ile go bontsha gore Modimo o tshola Dipaka tsotlhe Tse Supa Tsa Kereke mo Lefokong, ka gonnie paka nngwe le nngwe ya kereke e ntshitse bontlhabongwe jwa Lefoko, mme le fa go ne go ka nna leng fa ba ne ba le ntsha ba ne ba bona Lesedi.

Fela jaaka batho ba ba nnileng ba ntlha go lemoga go kolobetsa mo Leineng la Jesu. Ba ne ba dira eng? Ba ne ba dira lekoko ka gone, mme go ne ga swa gone foo. Ka ntlha eo Modimo a tloga a tsena gone ko mothong mongwe o sele. Ene o ne a sa tle go nna mo go nngwe ya ditumelo tseo tsa kereke le dithuto tseo tsa kereke. Ga a na sepe sa go dirisana le gone. Ga go sepe se se sokameng ka ga Modimo. Lefoko la Modimo le boitshepo, ga le a pekwa. Keresete ke lefelo la bogare la Modimo la go obamela. Ena ke Modimo.

⁵² Meletlo yotlhe e supa e tshwanetswe e direlwe fa lefelong le le lengwe lena. O ne o ka se kgone go direla moletlo kwa

lefelong lengwe le sele. Fela yone e supa, lefelo . . . Meletlo e supa ya ngwaga e tshwanetswe e direlwé kwa lefelong le le lengwe. Ka moo, Dipaka Tse Supa Tsa Kereke di tshwanetse di tswe fa lefelong le le lengwefela, leo e ne e le Keresete a bua mo Dipakeng Tse Supa Tsa Kereke. Moo go jalo totatota. Moriti, wa Dipaka Tse Supa Tsa Kereke, fela ba ne ba dira makoko go tswa mo go one.

⁵³ Jaanong a re lebeng moriti o mongwe fa re santse re le gaufi fano, oo ke, moriti wa tlolaganyo, o ne a o dira pontshetsopele ya Jesu. Re lemoga fano setlhabelo sa madi, ka loso. Setlhabelo sa madi se ne se le lefelo le le bontshedseng pele Keresete. A lekoko le ka tshologa madi; a o ka nagana kereke e tshologa madi, go tshologa madi ga lekoko? Go tlhomame ga go kake. Go tsere madi, go tshologa madi mo botshelong. Mme, botshelo jo, fano Jesu o tlhagelela mo ponong ka kwana. Kwana e ne e le moriti wa ga Keresete, mme e ne e bontshetsa pele Keresete, ka gore O ne a le “Kwana ya Modimo,” e Johane a neng a e itsise, “e e tlosetsang boleo jwa lefatshe kgakala.” Re bona Jesu a tla fa ponong, fano mo go Ekesodu kgaolo ya bo 12.

⁵⁴ Lemogang, le ne le le lefelo le le esi le loso le neng le sa kgone go le itaya. Erike loso le ne le gaufi le go itaya lefatshe, go ne go tshwanetse go nne le lefelo le le rileng; tsotlhe tse di neng di se fa tlase ga sena di ne tsa swa. Lefelo le le lengwe fela! Jaanong, ga go kaye gore go ne go le ntlo e le nngwe; fela go ne go na le lefelo le le lengwe, koo ke kwa kwana e neng ya bolawa gone. Kwa madi a kwana a neng a le teng, moengele wa loso o ne a sa kgone go itaya, ka gore go ne go le lefelo le le lengwe le Modimo a neng a beile Leina la Gagwe teng. Mme kwana eo e ne e ya teiwa leina kwa morago ko tshimologong, kwana. Lemogang, e ne le le lefelo le le lengwe kwa a neng a sa kgone go itaya.

⁵⁵ Mme jaanong ke selo se se tshwanang gompieno. Go fela lefelo le le lengwe le loso lwa semowa le ka se kgongeng go le itaya, leo ke Lefoko. Loso ga le kgone go itaya Lefoko, ka gore Lone ke Lefoko le le tshelang la Modimo.

Fela fa lo baya ditumelo tsa kereke le Lone, Lefoko le katogela kwa Boloneng. Le tlaa lomologa jaaka metsi mo lookwaneng. O ka se kgone go di tlhakantsha ga mmogo. Jalo, lo a bona, motlheng tumelo ya kereke e tsenang ka mo lekokong, botlhe ba latela tumelo ya kereke; mme Lefoko le a tima, le bo le tswelela pele le motho mongwe o sele le bo Le oketsegá go feta. Le oketsa lebelo, fa Le tloga fa tshiamisong, boitshepisong, kolobetsong ya Mowa o o Boitshepo, le go tswelela ka mo Tlhakeng! A lo bona tsela e Modimo a e gatileng? A tlisa Leina la Gagwe, nako yotlhe, gone go fologa ka tsela e e tshwanang, ka gore Ena ke Lefoko.

Lemogang, Ga le kgone go swa. Lefoko la Botshelo ga le kgone go swa.

⁵⁶ Lemongang ka foo go itekanetseng ka teng, jaanong. Moengele wa loso o ne a sa kganelwa go itaya batlhalefi ba bagolo ba Egepeto. O ne a sa itsiwa go itaya mafelo a yone a a boitshepo, dikago tsa yone tsa maemo, bofarō ba yone. Kgotsa, baperesiti ba lefatshe, moengele o ne a sa itsiwa go ba itaya. O ne a ka itaya kago nngwe le nngwe, lefelo lengwe le lengwe, mongwe le mongwe, fela o ne a ka se kgone go itaya kwa kwana e neng e le gone.

Loso ga le kgone go itaya kwa lefelo lena le le tlametsweng la Modimo le leng gone, mme moo ke mo Kwaneng.

⁵⁷ Lemogang, le e leng baper... o ne a kganetswe go itaya Iseraele kgotsa baperesiti ba yone ba Bahebere, le, kgotsa ape a makoko a yone. Gotlhe go tshwanetse go nne mo lefelong la Modimo le le tlhophilweng, le le tlametsweng, kgotsa loso le ne le itaya.

⁵⁸ Kereke, le fa e ka nna kae kwa o leng gone, se o leng leloko la sone, ga go ntire pharologanyo epe. Fela, go selo se le sengwe se o tshwanetseng o se itse, o tshwanetse o nne mo go Keresete kgotsa o sule. O ka se kgone go tshela kwa ntle ga Gagwe. Kereke ya gago e ka tswa e siame, jaaka e le kago; kabalano ya gago e ka tswa e siame, jaaka o le motho. Fela motlhāng o ganang Mmele, Madi, Lefoko la ga Jesu Keresete, wena o sule motsotso o o go dirang. Lone ke lefelo le le tlhophilweng ke Modimo la kobameло. Moo ke kwa Leina la Gagwe le leng gone, totatota. Moo ke kwa A tlhophileng go baya Leina la Gagwe gone; e seng mo kerekeng, fela mo Morweng, Jesu Keresete.

⁵⁹ Lemogang, polokesego e ne e letse fela mo lefelong la tlhopho ya Gagwe, mo kwaneng ya Gagwe, le mo leineng la kwana.

⁶⁰ Lemogang, e ne e le kwana ya “tonanyana”, monna, e seng tshadi. Eseng kereke, mosadi; fela Leina la Gagwe, eseng leina la mosadi. Kwa A neng a ile go kopana le batho go ne go se mo leineng la mosadi, fela mo Leineng la Gagwe, Monna, Kwana!

⁶¹ Jaanong rona re re, “Kereke, ya maemo, kereke e e dithata tse di kgolo, yone e dirile *sena ebile* yone e dirile *Sele*. Yone e ne ya tsaya makete a matsubutsubu. Re oketsegile mo morafeng. Re oketsegile thata ka bontsi jwa dipalo. Re kereke e kgolo. Yone ke selo se se golo”.

Fela Modimo ga a a ka a bua sepe ka ga mosadi. O ne a bua a re, “Monona.” “Monona,” ke lefelo la bokopano, Kwana, eseng kereke. Eseng leina la mosadi, fela Leina la Monna. Ga a ka a baya leina la mosadi golo gongwe. O ne a baya Leina la Gagwe mo go “Monna”!

Mo ke lebaka le, “Tsotlhe tse re tshwanetseng go di dira, kgotsa lefoko kgotsa tiro, re tshwanete re di dire tsotlhe mo Leineng la Jesu Keresete.” Fa re rapela, re tshwanetse re rapeleng mo Leineng la Jesu. Fa re kopa mokokotlelo, re tshwanetse re kope mo Leineng la Jesu. Fa re tsamaya, re tsamaya mo Leineng

la Jesu. Fa re bua, re bua mo Leineng la Jesu. Fa re kolobetsa, re tshwanetse re kolobetseng mo Leineng la Jesu Keresete. Gonno, “Tsotlhe tse re di dirang ka lefoko kgotsa ka tiro, go dire mo Leineng la Jesu Keresete.”

⁶² Mogoma o ne a nthaya nako nngwe a re, re buisanya ka seo, o ne a re, “Mokaulengwe Branham, mosadi wa me, nna ga ke...” O ne a re, “Mosadi yo, leina la gagwe ke *Mokete-kete*.” Ene ke moruti, a ka tswa a dutse golo fano jaanong. Mme o ne a re, “Mosadi wa me,” ne a re, “o tshotse leina la me.” Nna ke tlaa re fela *Jones*, ka gore lone e ne e se *Jones*. O ne a re, “Jaanong, mosadi yo ga a tshwanele go tsoga moso mongwe le mongwe, a tseye lefeelo a bo a re, ‘Jaanong ke feela bodilo mo leineng la ga *Jones*, ebile ke tlhatswa dijana mo leineng la ga *Jones*, gape ke roka dibata tsa diaparo mo leineng la boora *Jones*.’” Monna ne a re, “Ga ke akanye gore o tshwanetse go bitsa leina lepe gotlhelele.”

Ke ne ka re, “Nna ke a dumela o a dira.” Go jalo.

Mme o ne a re, “Sentle, goreng? Mosadi ga a a tshwanelo go le bua. Sengwe le sengwe se a se dirang se mo leineng la ga *Jones*, le kwa tshimologong.”

⁶³ Ke ne ka re, “Fela wena ga o a ka wa fologa ka mmila o bo o mo fitlhela, o bo o re, ‘Tlaya kwano, *Jones*.’ O ne a tshawnelo go fetoga go nna, pele, ka moletlo, moletlo wa lenyalo, ‘*Jones*.’ Fa a sa dira, lone lo tshela mo boakeng. Mme fa lo kolobeditswe mo tseleng epe e sele e nngwe fa e se mo Leineng la Jesu Keresete, ke kolobetso ya boaka, e e sa bonweng mo Baebeleng.”

Ka ntlha eo, “Se o se dirang ka lefoko kgotsa ka tiro, di dire tsotlhe mo Leineng la ga Jesu,” morago ga seo, se o se dirang. Fela santlha o tshwanetse o tle ka Leina la Gagwe.

⁶⁴ Go basadi ba le bantsi mo kagong ena bosigo jono, ba ba siameng thata, basadi ba ba ikanyengang; fela go fela Mmê Branham a le mongwe. Ke ena yo o yang kwa gae le nna. Ke ena yo a leng mosadi wa me.

⁶⁵ Go batho ba ba siameng thata mo lefatsheng, dikereke tse di siameng thata; fela go na le Mmê Jesu Keresete a le mongwe, mme yoo ke yo A mo tlolang. Moo ke kwa Leina la Gagwe le letseng gone. Moo ke kwa kobamelo ya Gagwe e leng gone, mo go Ene mme mo go Ene a le esi. Moo ke boammaaruri. Ao, ee, rra. Re bona seo gonna nnete.

⁶⁶ Jaanong, ke lebaka le, rona, “Tsotlhe tse rona re di dirang ka lefoko kgotsa ka tiro, re di dira mo Leineng la Jesu Keresete.”

“Ga go na leina lepe le sele le neilweng fa tlase ga Legodimo ka ntlha ya polokesego, fa e se Leina la Jesu Keresete.” Ditiro, kgaolo ya bo 2, ya re, “Gonne a go itsiweng ke lone...” “Ga go leina lepe le sele le le neilweng fa tlase ga Legodimo le ka lone motho a tshwanetseng a bolokesega, fela mo Leineng la Jesu

Keresete.” Amen. Ke tshepa lo a go tlhaloganya. Leina la ga Jesu Keresete, sengwe le sengwe . . .

Legodimo le le kwa godimo go feta thata le bidiwa ka Ene, “Lelwapa lotlhe ko Legodimong le bidiwa Jesu,” Baebele e boletse ya re, “mme lelwapa lotlhe mo lefatsheng le bidiwa Jesu.” Jalo leo ke Leina la Modimo le le tlhophilweng le kwa A Le beileng gone. Leo ke lefelo la Gagwe la kobamelo, ke mo go Jesu Keresete. Jaanong, re itse seo go nna jalo, ga go lefelo le lengwe go mo obamela gone fa e se mo go Ena.

⁶⁷ “Ga go na leina le lengwe fa tlase ga Legodimo le le neilweng mo bathong, le ka lone ba tshwanetseng go bolokesega.” La Gagwe ke Leina la Modimo la thekololo. Modimo o na leina le go tweng Jehofa-motlamedi, Jehofa-mofodisi, Jehofa-motlamedi. “Morena o itshwarela maleo otlhe a gago.” *Jehofa-mofodisi*, “Morena o fodisa malwetsi otlhe a gago.” O ne a na le ditlhogo di le dintsi. Fela O na le Leina le le lengwe la Thekololo, le le leng la sika loo motho, mme leo ke Leina la “Jesu.” Leo ke Leina la Gagwe, o ne A tlhophala go le baya. O ne a Le baya kae? O ne a Le baya mo go Keresete.

⁶⁸ Maina a mangwe otlhe a kereke, ditumelo tsa kereke, maemo, ke loso go di tshepa. O tshepa kereke ya Methodisti go go isa Legodimong, o timetse. Fa o tshepa Mapentekoste, kereke ya Pentekoste go go isa Legodimong, o timetse. Le ya Baptisti, ya Lutere, ya Presbitheriene, ya Khatholike, kereke nngwe le nngwe epe; o tshepa mo leineng la bona, kgotsa maemong a bona, kgotsa tumelong ya bona ya kereke, o timetse.

Ka gore, o ka se kgone le e leng go obamela go tsamaya pele o fitilha ka mo lefelong la kobamelo. Amen. Leo ke lone lefelo le le esi kwa Modimo a kgatlhantshang moobamedi gone, ke lefelo le A le tlhophileng go baya Leina la Gagwe. A mangwe otlhe, o a tshepe, o tlaa swa. Le ena . . .

⁶⁹ Moriti o mongwe wa ga Jesu fano, ke go tshwaile, mo Lekwalong. Gape, Ena—Ena o bonetse pele fano, “O tshwanetse a nne a sena selabe sepe.” Lefelo le A bayang Leina la Gagwe gone, kwana ena e tshwanetse e nne e e senang selabe.

Jaanong, ke lekoko lefe kgotsa tsamaiso epe e o ka e o ka gokelang sena mo go yone; kereke efe, Khatholike, Protestante, Ya Bajuta, le fa e ka nna e feng e e leng yone? Ke tsamaiso efe, lekoko lefe, le o ka gokelang seo mo go lone, “ntleng ga selabe mo go lone”? One otlhe a tlhobogilwe, ebile go gannwe!

Fela go na le lefelo! Aleluya! Lefelo leo le mo go Jesu Keresete. Ga go na selabe sepe mo go Ena. Ga go na molato ope mo go Ena.

O ka se kgone go gokelela sena. Batho bana botlhe ba ka leka go dira jalo, ba re kereke ya bona ga e na phoso epe le gotlhe *gona*. Gone go makgapha, batlodi ba Lefoko, barati, ba ba suleng seripa, Malaodikea, tumelo ya kereke, fela ga se Boammaaruri.

Fela le e leng Pilato ka boene, mmaba wa Gagwe, ne a re, "Ga ke bone molato ope mo go Ena." Mmaba o e Leng wa Gagwe o ne a supa gore go ne go se molato ope mo go Ene. O ka se gokele boleo bope mo go Ene.

⁷⁰ O ne a bolelela baperesita ba metlha ya Gagwe a re, "Ke ofeng wa lone yo o ka Ntatafatsang ka boleo? Ke mang yo o ka Ntshupegetsang gore Nna ke moleofi?"

Mpolelele kereke e le nngwe e e ka buang gore bone ga ba ise ba dire phoso epe. Go bua puo phaa, ga go na le a le mongwe wa bona, go kgonega ka bosesane, fa e se ba ba bolaileng le ba ba dirileng sengwe le sengwe koo mo alemanakeng, go kgonegile ka bosesane. Foo ba santse ba ipitsa... Jalo ga se lefelo la Modimo la go kopanela kobamelo, mo tumelong epe ya kereke kgotsa mo lekokong.

⁷¹ Ditsala tsa me, ga ke batle go utlwisa maikutlo botlhoko, fela nna ke na le maikarabelo ka Molaetsa, mme, Molaetsa oo ke, "Tswayang mo matladikeng ana!" Mme fa ke lo kopa go tswa, ke kae kwa ke ileng go le isa gone? A ke tlaa lo isa kwa Motlaaganeng wa ga Branham? One o molato fela jaaka mongwe le mongwe wa otlhe a one.

Fela go na le lefelo le le lengwe le nka lo isang kwa go lone, kwa lo bolokesegileng teng ebile le sireletsegile mo losong, moo ke mo go Jesu Keresete, lefelo la Modimo la kobamelo. Leo ke lefelo le ke le itsiseng lone, bosigong jono, kwa Modimo a beileng Leina la Gagwe teng. Kwa A sololeditseng gore O tlaa kopana le motho yo mongwe le yo mongwe yo o tlaa tsenang teng koo, Ena o tlaa obamela le ene a bo a keteke le ene, moo ke mo go Keresete; eseng mo kerekeng epe, mo motlaaganeng ope.

Fela, mo go Keresete, Ena ke Motlaaganana wa Modimo. Ena ke lefelo le Modimo a tseneng ka mo go lone, Ene, a bo a aga mo go Ena. "Yona ke Morwa Me yo o rategang, yo ke Itumelelang go aga mo go Ena." Moo ke kwa Modimo a neng a dula mo motlaaganeng, a tlisiseng Leina la Gagwe mme a Le beileng mo godimo ga teng, Jesu Keresete. Ke gone ka moo, Leina la Gagwe le neng la bewa mo Mothong, Morweng wa Gagwe, Jesu Keresete, ka mo A neng a Ipaya mo motlaaganeng, mme e le mo Motlaaganeng oo.

Kwa, mo moriting, Jerusalema ya pele, mediro ya pele, tempele ya pele, di neng di le moriti; fa mosi o ne o tsena, letsatsi le letlole le neng la tsena, la kgolagano, le bo le iketla, mme Lentswe la Modimo le ne la utlwiwa mo go lone.

Jalo Lentswe la Modimo le ne la utlwiwa jalo, le tsena ka mo Motlaaganeng, Jesu Keresete; mo e leng gore, e Kgologolo (ya senama) e ne e le pontshetso pele le moriti wa e Ntshwa. Mme erile A tsena ka mo go Keresete, O ne a re, "Yona ke Morwa Me yo o Rategang, yo mo go Ena ke itumelelang go aga mo teng. Mme Ke tlaa tlhophia lefelo kwa Ke tlaa bayang Leina la Me gone, le

kwa ke tlaa kopanang le motho, le kwa ke tlaa obamelang gone.” Modimo o ne a tlhopha lefelo; eseng mo lekokong la kereke epe, fela mo go Jesu Keresete. Ee, rra.

⁷² O tshwanetse gape a nne “yo o senang selabe,” jaaka ke boletse. Ga go lekoko lepe le le ka buwang polelo eo ka bosupi. Bone ba a dira; bone ke moganetsa-Keresete.

⁷³ Jaanong re bona fa ntle fano, lemogang pontshetso pele ya Gagwe gape. Kwa—kwana e tshwanetswe go tsholwa. Jaanong, sena se bonwa mo go Ekesodu 12, fa lo le kwala, Ekesodu 12:3 go fitlha go 6. Kwana e tshwanetswe e tsholwe go fitlheng malatsi a le manê, go lekwa, go bona fa e tshwanelwa go fetela setlhabelong ka nako eo. E tshwanetswe e tsewe, e tlhatlhojwe gangwe le gape, ka malatsi a le manê, go bona fa go le selabe sepe mo go yone, go bona fa go le bolwetse bope mo go yone, go bona fa go le sengwe sepe se se phoso ka kwana. E tshwanetswe e tsholwe go fitlheng malatsi a le manê.

⁷⁴ Jaanong lemogang. Bangwe ba lone lo ka tswa lo akantse gore moo go ne go le mo go nnyennyane, e neng ya bolawa mo go la bo some le bonê. Fela, lo gakologelweng, ba ne ba tsaya kwana mo letsatsing la bo lesome la kgwedi, ba bo ba e bolaya mo letsatsing la bo some le bonê la kgwedi, lo a bona, e e neng ya tsholwa go fitlheleng malatsi a le manê.

⁷⁵ Jaanong, Jesu, Leina la Modimo, Kwana, e ne ya tsena ka ko Jerusalema ya bo e se ka e tswa gape go tsamaya go fitlha morago ga loso ya Gagwe, phitlho, le tsogo. O ne a tsholwa ka fa tlase ga banyatsi ka malatsi a le manê le masigo a le manê. Ka foo Kwana ele e neng ya bontshetswa pele ka teng, e neng ya tsholwa malatsi a le manê. Ke nako e Pilato a neng a bua a re, “Ga ke bone molato ope mo go Ena.”

⁷⁶ Moriti o mongwe wa Gagwe, ga go lesapo lepe le le neng le ka rojwa mo go Ene, mo go neng go itekanetse, ka ba ne ba ka se kgone go dira. Mo go bolayeng setlhabelo, ba ne ba ka se kgone go roba lesapo. Fa go ne go diragetse, ba ne ba se gana. Mme ba ne ba setse ba tsholeditse hamole kwa morago go roba masapo mo maotong a ga Keresete, fa ba ne ba bua ba re, “O setse a sule.” Ba ne ba tlhaba letlhakore la Gagwe ba bo ba fitlhela Madi le metsi.

⁷⁷ Lemogang gape selo se sengwe se se golo fano. Nka se ka ka se tlola ka feta, ka gore O ne a emelwa mo ditshupelong, tshupelo ya boupi.

Ke a gakologelwa nako nngwe ba ne ba nna le sekolo, mo Baebeleng, se neng se bidiwa sekolo sa baporofeti, mme sone se ne se le sekolo tota. Mme re fitlhela gore Elia o ne a ya golo koo kwa sekolong seo letsatsi lengwe, mme ba ne ba bua ba re, “Rone . . .” Ba ne ba mo rapela gore a tsamaye, ka ba ne ba re, “Fa o le fano tikologong, dilo di lolame mo go tseneletseng.” Jalo ba ne ba mmatla gore a tloge.

Mme ba ne ba tswa go mo latela dijo tsa maitseboa. Mme segopa sa baperesita se ne sa tswa, kgotsa baporofeti, ba tsaya dinawa dingwe, go mo direla dijo tsa maitseboa. Mme fa ba se na go dira, ba ne ba kokoanya tse di neng di tlala khiba e kgolo ya tsone; mme fa ba se na go boa, tsone di ne di le dinawa tse di senaga, tse di neng di le botlhole, mme ba ne ba di latlhela ka mo pitseng. Mme dipitsa di ne tsa simolola go bela, mme bone, mongwe, ne a re, “Ijo-wee, go na le loso mo pitseng. Jaanong re ka se kgone le go ja.”

Mme Elia ne a bua a re, “Ntlisetsang boupi jo bo tlalang seatla.” Mme o ne a tsaya boupi a bo a bo latlhela ka mo pitseng, a bo a re, “Ejang. Pitsa e foidisitswe.”

⁷⁸ Tshupelo ya boupi e ne e le Keresete. Lolwala lengwe le lengwe le ne le tshwanetswe le bewe ka tsela e e tshwanang, mme setoki sengwe le sengwe se se nnye sa boupi se ne se tshwanetse go silwa go tshwana, ka ntlha ya tshupelo ya boupi. Go supegetsa, gore, Ena ke mofodisi. O a emisetsa, a bo a tlosetsa loso kgakala, a boa tsenya Botshelo; ka melao e mebedi. Aleluya! Kwa loso le leng teng, lefelo le le lengwe; motlhang Keresete a tsenang, Botshelo bo a tsena. Ena o tshwana maabane, gompieno, le ka metlha yothle. Mme kwa go neng go le loso, foo go ne ga fetoga go nna Botshelo, ka gore Keresete o ne a tsenngwa mo teng, tshupelo ya boupi.

⁷⁹ A thuto e kgolo e dilo tsena di neng di tlaa nna yone fa re ka bo re tsaya nako ya go di kanoka! Jaanong lemogang, ga go lefoko le le lengwe la meriti le le palelwang. Ga go lefoko le le lengwe le le ka nako nngwe le neng la palelwa, la meriti. Sengwe le sengwe se ne sa bontshetsa pele ka boitekanelo.

Ena ke lefelo le le tlhophilweng la Modimo la kobamelo, mme Leina la Modimo le neilwe Ena. Ena ke lefelo la Modimo la kobamelo, mme Leina la Modimo le neilwe Ena. Ena ke Lefoko la Modimo, ebile Ena ke Leina la Modimo. Ena ke tsoopedi Lefoko la Modimo le Leina la Modimo. “O ne a le Lefoko le dirilwe nama.” O ne a le Lefoko la Modimo, Kwana ya Modimo, Leina la Modimo, ebile ne a le Modimo. Leo ke le A neng a le lone, lefelo le le tlhophilweng ebile e le lone fela la kobamelo ko go Modimo.

⁸⁰ Mme Modimo o gana lefelo lengwe le lengwe le sele kwa ntle ga Jesu Keresete; o ka se kgone bo Mo obamelga gongwe go sele. O ne a re, “Ba Nkobamelela lefela, ka ba ruta Dithuto tsa kereke tse e leng ditaelo tsa batho.” Gompieno re na le ditumelo tsa kereke, dithuto tsa kereke, le sengwe le sengwe, tse di rutang gore *sena* ke tsela le *sele* ke tsela.

Mme Jesu o ne a re, “Ke Nna Tsela, Boammaaruri, le Botshelo, mme ga go motho ope yo o ka kgonang go tla ko go Modimo fa e se ka Nna.” Ka mafoko a mangwe, “Ke Nna Mojako ko lesakeng la dinku. Botlhe ba ba leng kwa ntle ke magodu.”

Ena ke tsela e le esi ya go tla. Ena ke Mojako. Ena ke Tsela, Nnete, le Botshelo, gotlhe mo go leng gone; matseno a le esi, lefelo le le esi, kobamelo e le esi, Leina le le esi.

Sengwe le sengwe se bofeletswe ko go Jesu Keresete. Kgolagano e Kgologolo yotlhe e bofeletswe ko go Ene. Kgolagano e Ntšhwā e bofeletswe ko go Ene. Mme Kereke compieno e bofeletswe ko go Ene, ka Lefoko la taelo ya Gagwe. Ga go na lefelo le lengwe, kgotsa Leina le lengwe, kgotsa golo gongwe, kwa Modimo le ka nako nngwe a go sololeditseng go kopana le motho gone; fela mo go Jesu Keresete, lefelo le le tlhophilweng ke Ena la kobamelo.

⁸¹ Lemogang, Modimo o sololeditse go kopana le baobamedi ba Gagwe mo lefelong lena le le esi, mme lone ke la tlhopho e e Leng ya Gagwe; e seng ka ga tlhopho ya rona, e seng ya go akanya ga rona; fela ya go akanya ga Gagwe, tlhopho ya Gagwe. Mme go tlaa nna lefelo le A bayang Leina la Gagwe gone, kwa A tlhophileng gone. Jalo re bona gore re bona kwa Leina la Gagwe le neng le le gone, le a Le tlhophileng, ka tlhopho e e Leng ya Gagwe.

⁸² Jaanong ka re bone lefelo kwa A beileng Leina la Gagwe gone, le e leng, Keresete Jesu, mme ga go na lefelo le lengwe, kgotsa leina le lengwe, a wena o kgotsofetse ka seo? E reng, “Amen,” [Phuthego ya re, “Amen.”—Mor.] Jaanong, selo sa teng ke gore, fa re bone kwa lefelo le leng gone... Lefelo la kobamelo ga le amogelwe gongwe gope, fela mo go Keresete.

O ka sokologa, o ka dira seo, fela ga o obamele ka nako e. O lopa tshwarelo. Petoro o ne a re...

Mo Letsatsing la Pentekoste, fa ba ne ba ba bona bottlhe ba bua ka diteme, le ditshupo tse di kgolo le metlholo di diragala, ba ne ba simolola go tshega, kereke e ne ya dira, ba bo ba re, “Batho bana ba tletse ka moweine o moša. Ba itshotse jaaka batho ba ba tagilweng. Bo...” Marea wa kgarebane, bottlhe ba bone, ba ne ba le mmogo, lekgolo le masome a mabedi ba bone. Mme ba ne ba theekela jaaka batho ba ba tagilweng, mme ba bua ka diteme, ebile ba tswelela. Ba ne ba re, “Batho bana ba tletse ka moweine o moša.”

⁸³ Fela Petoro, a eme, ne a re, “Batho le bakaulengwe, batho bana ga ba a tlala ka moweine o moša, gonnie ena ke fela oura ya boraro ya letsatsi. Fela sena ke sele se se neng sa buwa ke moporofeti Joele, ‘Mme go tlaa tla go diragale mo metlheng ya bofelo, go bua Modimo, Ke tlaa tshela Mowa wa Me mo nameng yotlhe; bomorwa le barwadi ba lone ba tlaa porofeta; mo malateng a Me le mehuleng ya Me ke tlaa tshela Mowa wa Me. Ke tlaa supegetsa ditshupo ko magodimong kwa godimo, le mo lefatsheng; molelo, dipinagare tsa molelo, meuane ya mosi. Go tlaa tla go diragale, pele ga Letsatsi le le golo le le boitshegang

la Morena le tlaa tla, gore le fa go ka nna mang yo o tlaa bitsang Leina la Morena o tla bolokesega.””

⁸⁴ Eriile ba utlwa sena, ba ne ba tlhabega mo pelong ya bona, ba bo ba re, “Batho le bakaulengwe, re ka dira eng?”

⁸⁵ Petoro o ne a re, “Sokologang, mongwe le mongwe wa lone, mme lo kolobetsweng mo Leineng la Jesu Keresete ka ntlha ya boitshwarelo jwa maleo a lone, mme lo tlaa amogela neo ya Mowa o o Boitshepo. Gonno tsholofetso ke ya ditshika tsotlhe tsa fa bokamosong.” Jaanong re bona seo.

⁸⁶ Jaanong re batla go bona ka foo re tsena *ka mo* go Ena. Re tsena jang ka mo lefelong lena la kobamelo? Bakorinthe ba Ntlha 12 e a go rarabolola, gonno, “Ka Mowa o le mongwe!” E seng ka kereke e le nngwe, e seng ka tumelo e le nngwe ya kereke, e seng ka modisa a le mongwe, e seng ka mobishopo a le mongwe, e seng ka moperesita a le mongwe. Fela, “Ka Mowa o o Boitshepo o le mongwe re kolobeletswa rotlhe ka mo Mmeleng o le mongwe,” o e leng Mmele wa ga Jesu Keresete, mme re laolwa ke neo nngwe le nngwe e e letseng mo Mmeleng oo. Ee, rra! E seng go ipataganya gope, e seng go boeletsa ditumelo dipe tsa kereke, e seng go pompela gope, go leseleletsa kwa tlase gope, go neelana diatla gope, kgotsa sepe se sele. Fela, ka tsalo re kolobeletswa ka mo Mmeleng wa ga Jesu Keresete! Amen. “Ka Mowa o o Boitshepo o le mongwe rotlhe re kolobeletswa ka mo Mmeleng o le mongwe.”

⁸⁷ Mme Mmele ole ke eng? “Kwa tshimologong go ne go le Lefoko, mme Lefoko le ne le na le Modimo, mme Lefoko le ne le le Modimo. Mme Lefoko le ne la dirwa nama la bo le aga mo gare ga rona.” Re ka nna jang mo Mmeleng ole mme ra latola Lefoko le le lengwe la One, kgotsa re Le beye golo gongwe go sele kwa Go seng le e leng mo Mmeleng? Tota re ka dira jalo jang? Lefelo la Modimo le le thophilweng!

⁸⁸ Lemogang, mme mothlang wena o kolobeleditsweng ka mo go Ene ka mmannete, bosupi jwa nnete ke gore o A mo dumela, Lefoko.

O ka nna jang karolo ya Gagwe mme wa tloga wa Mo ganetsa? Nka ganetsa jang seatla sa me gore ke seatla sa me? Fa moo... Fa nna ke dira, go selo se se phoso mo tlhaloganyong ka nna. Mme nna nka dira jang? Fa go le sengwe se se phoso mo tlhaloganyong ka nna, ke ganetse gore seo ke seatla sa me, ke ganetse gore seo ke leoto la me, go sengwe se se phoso mo moweng ka modumedi yo o ganetsang Lefoko lengwe le Modimo a kileng a le bua a ba a le sololetsa. Go sengwe se se phoso mo moweng ka yo a bidiwang jaaka okare ke modumedi yoo.

⁸⁹ O ka se kgone go ganetsa tlhaka e le nngwe ya Gagwe, ka gore wena o fetogile go nna karolo ya se se tshwanang. Wena o bontlhabongwe jwa Gagwe ka gore o kolobeleditswe ka mo go Ene; ka, Mowa o o Boitshepo o go tsentse ka mo Mmeleng wa ga Jesu Keresete. A selo se se sentle!

⁹⁰ Modimo o na le lefelo le le rileng le A neng a kgatlha—kgatlhantsha Aborahama gone, mme koo Aborahama o ne a mo obamela. Gotlhe go tla go ralala Kgolagano!

Mme Lefoko la Gagwe le le solofeditsweng le tlaa phutholowa mo go wena, ke Ena. A o tlhalogantse seo? Lefoko le A solofeditseng go le diragatsa mo motlheng o o tshelang mo go one: wena o tlaa nna lekwalo le le kwadilweng la Modimo, le le buisiwang ke batho bottlhe. E seng se o se bolelang ntengleng ga bosupi, fela se Modimo a se dirang ka wena, se tlaa bua ka modumo o mogolo thata go na le sengwe le sengwe se o ka se buang o sena bosupi. Modimo o ne a re, “Ditshupo tse di tlaa latela bao ba ba dumelang.” Seo se bua ka wena.

⁹¹ O ne a bua ka paka ena, se se tlaa nnang gone jaanong. Badumedi ba paka ena ba tshwanetse go dumela Sena, se A se solofeleditseng gompieno. Fela go tshwana le jaaka ba ne ba tshwanela go tsena ka mo arekeng, go bolokesega; ba tswele ntle ga Egepeto go bolokesega; ba tshwanetse go tsena ka mo go Keresete, go bolokesega jaanong, ka mo Molaetseng wa Lefoko, gore Ena o tshwana maabane, gompieno, le ka metlha yotlhe.

⁹² O tsena ka mo go One jang? Ka kolobetso! Kolobetso ya eng, metsi? Ka Mowa o o Boitshepo! “Mowa o le mongwe, rotlhe re kolobeleditswe ka mo Mmeleng o le mongwe.”

⁹³ Mme Lefoko la Gagwe le le solofeditsweng, Ena ga a tle go . . . Ga o tle go tshwanela go Le phutholola. Ena o tlaa Le phutholola ka wena; se wena o se dirang, se A solofeditseng go se dira. Kereke e e Mo latelang e tlaa tshwana le Ena thata jalo go tsamaya batho ba itse.

Lebang Petoro le Johane motlheng ba ne ba botswa ka phodiso ya monna kwa kgorong e bidiwang Bontle. Ba ne ba re, “Ba ne ba lemoga,” baperesiti bao ba dirile, “gore boobabedi ba ne ba le banna ba ba tlhokang kitso ebole ba sa rutega,” fela ba ne ba ela tlhoko gore ba nnile ba bo ba na le Jesu. Ka gore, (eng?) ba ne ba dira dilo tse A di dirileng.

⁹⁴ O tshwanetse a nne mo tirong ya ga Rara. Mme gompieno go tshwanetse go tshwane.

⁹⁵ Jaanong, gakologelwa, Ena o tshwana maabane, gompieno, le ka metlha yotlhe; gonne Modimo o kopana le wena mo go Ena, lefelo le le esi le le leng gone; gonne moo ke kwa A tlhophileng go bayo Leina la Gagwe, mo go Jesu. “Jesu” ke Leina la Modimo. Gakologelwa, Rara, Morwa, Mowa o o Boitshepo, ke ditlhogo mo Leineng “Jesu Keresete.”

⁹⁶ Motlheng Matheo a ne a re, “Tsamayang ke gone ka moo, lo ruteng ditshaba tsotlhe, le ba kolobeletsa ka mo Leineng la Rara, la Morwa, le la Mowa o o Boitshepo.”

Ka foo lone lo nnileng lwa se tlhaloganngwe sentle gompieno, mme go twe, “Mo leineng la Rara, leina la Morwa, leina la Mowa

o o Boitshepo.” Le go kwala ga go a kwalwa. Gone ke, “Mo Leineng,” bongwe, “la ga Rara, Morwa, Mowa o o Boitshepo,” *Rara* ga se leina, *Morwa* ga se leina, *Mowa o o Boitshepo* ga se leina; ke maemo.

Malatsi a le lesome morago, Petoro o ne a ema a bo a re, “Sokologang, mongwe le mongwe wa lone, mme le kolobetsweng mo Leineng la Jesu Keresete.” Ka nako eo a ena o ne a dira se A mmoleletseng gore a se se dire? O dirile se A mmoleletseng gore a se dire. Leina la Rara, Morwa, le Mowa o o Boitshepo ke “Morena Jesu Keresete.” Motho yo mongwe le yo mongwe mo Kgolaganong e Ntshwa o ne a kolobetswa mo Leineng la Morena Jesu Keresete.

⁹⁷ Ga go motho a le mongwe mo Baebeleng yo le ka nako nngwe a kileng a kolobetswa mo ditlhogong tsa Rara, Morwa, Mowa o o Boitshepo. Seo ga se ise se nne teng go tsamaya tumelo ya kereke kwa Nishia e ne ya simolodiswa ko Nishia, Roma. E ne e le taelo ya kereke ya Khatholike, ne ya bonwa, ya rurifatsa selo se se tshwanang, mo katekisimeng. Ke na le yone, moo go jalo, *Dintlha Tsa Nnete Tsa Tumelo Ya Rona*, le jalo jalo, gore gone kwa ntle ga pelaelo epe ke tumelo ya kereke ya Roma ya Khatholike. Ba tlaa go bolela gore ga go mo Baebeleng; fela ba re ba na le thata ya go fetola Mafoko ao, fa ba eletsa go dira, ka ntlha ya ga mopapa. Ga ke dumalane.

Jesu Keresete o tshwana maabane, gompieno, le ka metlha le metlha. “Mme le fa go ka nna mang yo o tlaa ntshang Lefoko le le lengwe mo Baebeleng ena,” Jesu ne a re, “kgotsa a tsenye lefoko le le lengwe mo go Yone, karolo ya gagwe e tlaa ntshiwa mo Bukeng ya Botshelo.” Lefoko le le lengwe; e seng seele, kgotsa tema, fela Lefoko! “Le fa e ka nna mang yo o tla ntshang Lefoko le le lengwe . . .”

⁹⁸ Ko tshimologong, Modimo o ne a nonotsha batho ba Gagwe ka Lefoko la Gagwe. Lefoko le le lengwe, le le ranotsweng ka go fosa, le ne la baka loso lengwe le lengwe, go opa gongwe le gongwe ga pelo, khutsafalo nngwe le nngwe. Efa, ga a a ka a roba seele; o robile Lefoko. Motlheng Jesu a neng a tla fa bogareng jwa Buka . . . Foo go ne go le ga ntlha ga Buka.

Motlheng Jesu a ne a tla mo bogareng jwa Buka, O ne a reng? “Go kwadilwe gore motho ga a kake a tshela ka senkgwe se le esi, fela ka Lefoko lengwe le lengwe le le tswileng mo molomong wa Modimo.”

Mo Bukeng ya bofelo, Tshenolo kgaolo ya bo 22, temana ya bo 18, yone karolo ya bofelo tota ya Baebele, Jesu o bua ka Boene, ne a re, “Ke paka gore fa motho ope a tla ntsha Lefoko le le lengwe mo Bukeng ena, kgotsa a oketsa lefoko le le lengwe mo go Yone karolo ya gagwe e tlaa ntshiwa mo Bukeng ya Botshelo,” ka gore ena ke moporofeti wa maaka ebile o dirile batho ba tlhaloganye

se se phoso, mme madi a bone a tlaa batlwa mo diatleng tsa gagwe, ka ntlha ya go dira jalo.

⁹⁹ Re tshwanetse re tshegetseng lefelo le le lengwe leo la kobamelo, leo ke, Jesu Keresete Lefoko, yo o tshwanang maabane, gompieno, le ka metlha le metlha. Amen. Go siame. Gakologelwang, ga go lefelo la bokopanelo lepe le lengwe la go obamela, ga go lefelo lepe. Modimo o Le tlophile.

¹⁰⁰ Johane, kgakala kwa morago kwa kgokaganong magareng a Kgolagano e Ntšhwa le e Kgologolo. Reetsang ka tlhoafalo jaanong. Lemogang ka tlhoafalo. Johane, ntsu e kgolo ele, e ne ya tla e fofa go tswa kwa lefatlhakgofeng letsatsi lengwe, diphuka tsa gagwe tse di kgolo di tsharabolotswe. O ne a tlhoma fa lotshitshing la Jorotane, moporofeti yo mogolo wa ntsu yo neng a dira borogo magareng ga Kgolagano e Kgologolo le e Ntšhwa, mme o ne a ba bitsa go tswa mojeng le molemeng. O ne a biletsha letsatsi la tshokologo.

Bafarasai le Basadukai ba ne ba tswa kae; o ne a re, “Lo se simolole go bua fa gare ga lone lo re, ‘Re na le Aborahama yo e leng rraetsho,’ ka gore ke a lo bolelela Modimo o a kgona gore a dire mantšwe ana e nne bana ba ga Aborahama.” Ijoo!

Fa a ne a simolola go anamisa Efangedi, mme a re, “Go eme mo gare ga lone Mongwe, yo lo sa Mo itseng. Ga ke ise ke Mo supe, fela ke tlaa Mo itse fa A tla. Nna ga ke tshwanelwe go funolola setlhako sa Gagwe. Fela O tlaa lo kolobetsa ka Mowa o o Boitshepo le Molelo. Mme leselo la Gagwe le mo seatleng sa Gagwe; O tlaa phepfatsta bodilo jwa Gagwe, ebile O tlaa fissa mmoko ka Molelo o o sa timegeng.”

¹⁰¹ Ntsu e kgolo eo ya Efangedi e dutse foo, fa a ne a goeletska dikitsiso tse di kgolo tsa maikaelelo a go kgopholola. Mme matladika a ne a tswa, kgotsa Herote, kgosi e e busang ditšhaba ka nako eo, mmusi wa semmuso wa dikitsiso, yo neng a nyetse mogokae. Mme a o ka tshema ntsu e kgolo eo ya Efangedi e ntse foo mme e didimaletse seo?

Bangwe ba bone ba ne ba re, “O sekwa rera ka lenyalo le tlhalano jaanong, Johane, ka gore Herote ke yole o dutse mole.”

¹⁰² O ne a ya gone golo kwa sefatlhengong sa gagwe a bo a re, “Ga go fa molaong gore o mo nyale.” Jalo!

Eng, ene, a go ne go le jalo? O ne a le ntsu ele e e neng e tswa kwa bogare ga naga. O ne a sa katisiwa fa tlase ga dipoiifiso le matshosetsi a motho, a lekokon lengwe. Fela o ne a katisitswe fa tlase ga thata ya Modimo Mothatiolhe, go itse se se se tlaa nnang foo. O ne a itse bomang jwa ga Mesia.

Aleluya! Lefoko le kaya, “Bakang Modimo wa rona!” O se boife. Ga ke ise ke utlwise motho ope botlhoko ka nako e. Ga ke a gakatsegga. Ke itse gone kwa ke leng gone.

Ao, fa ke akanya ka ga ena, ntsu e kgolo ele e fofela ntile koo ebile e kotama fatshe! O ne a re, “Ke tlaa Mo itse motlhlang A tlang.”

¹⁰³ Letsatsi lengwe o ne a eme koo, a rera. Baperesita ba ne ba le ntlheng e e ka kwa ko letlhakoreng le lengwe, ne ba re, “O raya gore go tlaa tla nako e setlhabelo sa metlha le metlha se tlaa tloswang; tempele e kgolo ena e re e agileng, le ditiro tsotlhe tse re di dirileng, rona lekoko le le golo?”

O ne a re, “Go tlaa tla nako motlhlang o tsotlhe tseo di tlaa tlosiwang.”

“Go ka sekga gkgonagala. Wena o moporofeti wa maaka!”

¹⁰⁴ Mme o ne a leba fa tikologong. O ne a re, “Bonang, Ene ke yole! Lefelo le le tlhophilweng ke Modimo la kobamelo ke lele. Kwana ya Modimo ke ele, Kwana ya nnete e e tlosang boleo jwa lefatshe.” Ga a a ka a re, “Ke fa go tla Momethodisti, ke fano go tla Mobaptisti, kgotsa Mokhatholike.” O ne a re, “Ke foo go tla Kwana ya Modimo e e tlosang sebe sa lefatshe.”

Lefelo le le esi la tshireletsego le le leng gone ke mo Kwaneng eo ya Modimo. Mo go Ene a le esi ke polokesego; e seng mo kerekeng epe, tumelong epe ya kereke, bathong bape, ntateng ope, mmeng ope, mothong ope yo o boitshepo, kgotsa bosengsepeng, lefelong le le boitshepo. Ke mo go Modimo yo o Boitshepo, Morena Jesu Keresete, kwa Modimo a beileng Leina la Gagwe mo Mothong, ka ntlha ya thekololo, yo O dueletseng rona baleofi tlhwatlhw. Leo ke lona lefelo le le esi kwa go leng teng polokesego. Leo ke Lefika le ke emeng mo go lone.

¹⁰⁵ Johane o Mo tshwaile. O ne a re, “Ke ne ke sa Mo itse fa ke ne ke Mmona a tla a atumela, fela golo koo teng kwa ke boneng go rutiwa ga me...” E seng ko sekolong sa baperisiti jaaka ntate wa gagwe a dirile; e seng jaaka moperesiti, a katisitswe. Fela ko bogareng ba naga, kwa a neng a le sekolong sa boperesiti sa dithuto tsa tumelo tsa Modimo Mothatiotlhe, a emetse Lefoko la Modimo; e seng se setlhophpha sengwe sa banna ba se tlhagisitseng, fela se Modimo a neng a bua ka ga Sone. Mme erile Johane a ne a lebelela kwa godimo mme a bona Mowa o fologa, o ne a re, “Ke a supa, yona ke Ena.” Ijoo!

Ke leo lefelo la gago la kobamelo. Ke leo lefelo la gago la go iphitlha. Ke eo Kwana ya Modimo e e tlosang boleo jwa lefatshe. E seng kerekeng epe, tumelo epe ya kereke, kgotsa sepe se sele, fela Kwana ya Modimo e e tlosetsang kgakala boleo jwa lefatshe.

¹⁰⁶ A lo a bona ka foo Johane a neng a le baya? Ga a a ka a re, “Lone Bafarasai lo nepile, lone Basadukai, Baherote.” O ne a re, “Ke eo Kwana.” Leo ke lefelo. O na le Leina. Ke Ena Lone. E seng leina le lengwe fa tlase ga Legodimo!

¹⁰⁷ Thokomelang se Jesu neng a se bua ka ga Johane jaanong. Letsatsi lengwe Johane o ne a romela kwa go Ena, go bona se

A neng a se dira. Jesu o ne a buwa ka ga ena a re, “O ne a le lesedi lele le legolo le le le phatsimang,” go ba supegetsa tsela e e siameng e bone ba tshwanetseng go e latela pele ga go tla ga Gagwe, go tla ga Gagwe ga ntlha. Reetsang ka tlhoafalo. Lo se fetweng ke sone. Jesu ne a re, “Johane o ne a le lesedi lele.” Malaki 3, ga go phoso epe! Moporofeti ka lesedi le legolo le le phatsimang ne a tshwaya Jesu a le yena Yoo, “Kwana.” Dikwana tse dingwe tsotlhe tse baperisiti bao ba neng ba bua ka ga tsone, le tsone tsotlhe dilo tse dingwe, di ne di le bomatla. Fano e ne e le “Kwana!” Monna ka lesedi le legolo le le phatsimang, le Jesu neng a re o ne a le lone.

Malaki 3 le ne la re, “Ke tlaa romela morongwa wa Me pele ga sefathego sa Me go baakanya tsela.” Mme mongwe yo neng a romelwa go baakanya tsela, o ne a Mo tshwaya, lefelo. “Yoo ke Ena! Ga go phoso epe. Yoo ke Ena! Ke bona letshwao le Mo latela. Ke a itse gore yoo ke Ena; Lesedi le fologa go tswa Legodimong mme la ya mo godimo ga Gagwe.” Go ne go le se se neng se diretswe moriti, yoo e ne e le Ene.

¹⁰⁸ Ka nako e, mokaulengwe wa me, ke batla go go botsa sengwe, ke tswala. Re ka nna ra bua sena. Mo go Malaki 4, a rona ga re a soloftswa ntsu e nngwe gape, Pinagare ya Lesedi e e tla latelang, go supegetsa kereke e e timelang letsatsi lena gore Ena a leng Bahebere 13:8, “yo o tshwanang maabane, gompieno, le ka metlha yotlhe”? A rona ga re a soloftswa mongwe yo mongwe go tla a fofa go tswa kwa lefathlakgofeng? Amen! Moo ke Boammaaruri totatota. Ka foo go tshwanelang ebile go tsamaelanang le Luka 17:30, kwa Morwa motho (Ntsu) e tlaa bong e Itshenola gone go dira otlhe mafelo a mangwe a kobamelo a nne bosengsepe, jaaka makoko le jalo jalo!

Modimo o ne a tlhophla lefelo la Gagwe. Johane o ne a re, “Lone ke leo!”

¹⁰⁹ Mme foo re sololeditswe selo se se tshwanang mo motlheng ona, Malaki 4, “Go sokolela dipelo tsa bana morago,” go bua gore ga A a swa, dilo tsena ga se tsa paka e nngwe; kolobetso mo Leineng la Jesu e ne e sa ya kwa morago koo, fela Ena jaanong o a tshwana. Amen. Go nyeledisa mafelo otlhe a mangwe a kobamelo, seo ke se ntsu ya motlha wa bofelo e tshwanetseng go se dira, go supegetsa gore otlhe a one a mangwe ke boeleele, lekoko ke boeleele, fela go ba supela gape ka tshupo e e tshwanang e A e dirileng, gore O tshwana maabane, gompieno, le ka metlha le metlha. Aleluya!

¹¹⁰ Gape, mo go Tshenolo 4:7, re nnile le Ditshedi di le nnê tse re fetsang go wetsa go di ithuta ka tsone.

Sa ntlha e ne e le, re bone... bone, e ne e le tau. Seo e ne e le Setschedi sa ntlha se se neng sa tswelela koo go kgatlhantsha kgwetlho ya motlha oo, Tau ya Letso la Juda.

Morago ga Gagwe go ne ga tla Setshedi se se latelang. Mme re fitlhela gore, Setshedi se se latelang e ne e le pholo, e e neng e le setshedi sa mokgweleo, setlhabelo. Mo metlheng ya ga tempele ya Roma, Kereke e ne ya swa; setlhabelo.

Se se latelang sa go tla, e ne e le motho, e ne e le Setshedi ka sefatlhogo sa motho. Mme monna yoo e ne e le batokafatsi, thuto ya motho, dithuto tsa tumelo, le jalo jalo.

Fela Setshedi sa bofelo se se neng se tshwanetse go fofa, Setshedi sa bofelo se neng se tshwanetse go tla, Baebele ne ya re e ne e le ntsu e e fofang. Aleluya! Mme moporofeti o ne a re, mo motlheng ona, "Go tlaa nna Lesedi." Ijoo! "Mo motlheng oo go tlaa nna Lesedi."

¹¹¹ Go nnile le motlha wa batokafatsi. Go nnile le motlha o o neng o le moriti fela, o ka se o bitse motshegare kgotsa bosigo. Fela mo nakong ya maitseboa, mo nakong ya Ntsu:

Go tlaa nna Lesedi go batlile go nna nako ya
Ntsu,
Tsela ya Kgalalelong go tlhomame o tlaa e
bona;
Mo tseleng ya metsi go Lesedi gompieno,
Le fitlhilwe mo Leineng le le rategang thata la
Jesu.
Banana le bagolo, sokologelang maleo a lone
otlhe,
Mowa o o Boitshepo go tlhomame o tlaa lo
kolobeletsa mo teng;
Gonne Masedi a maitseboa a gorogile,
Ke ntlha ya nnete gore Modimo le Keresete ba
Bangwefela.

¹¹² Amen! Go tlaa nna Lesedi go batlile go nna nako ya maitseboa, lefelo le le esi la Modimo la go obamela. Ao, Molaetsa ona o gorogile fa go eng, ke eng se A ileng go se dira? Mme mo motlheng wa gagwe go tlaa nna Lesedi mo nakong ya maitseboa, mme (eng?) go amogela bana ba Gagwe morago fa gae kwa Lefatsheng la nneta le le solofeditsweng, ka tshupo e tshwanang ya Pinagare ya Molelo e e neng ya eteleta bana ba Iseraele go ralala lefatlhakgofa.

Lefelo la Modimo le le tlhophilweng la go obamela, Jesu Keresete. Ke lone lefelo le le esi le le leng gone. Leo ke Leina le le esi le Modimo a nang nalo ka ntlha ya polokesego. Leo ke le A le teileng lelwapa ko Legodimong, fa le le mo lefatsheng, ke Jesu Keresete.

¹¹³ Oho Kereke, Oho batho, tsala ya moleofi, se tshepe mo go sepe se sele fa e se Jesu Keresete. Se tshepe mo go moreri ope. Se tshepe mo go mongwe ope o sele go go sireletsa. Se tshepe mo go kereke epe, tumelo epe ya kereke, lekoko lepe. Tshepe fela mo go Jesu Keresete, gonne Ena ke Lesedi la oura e.

A re obeng ditlhogo tsa rona.

Go tlaa nna Lesedi go batlile go nna nako ya maitseboa,
 Tsela ya Kgalalelong go tlhomame o tlaa e bona;
 Mo tseleng ya metsi go Lesedi gompieno,
 Le fitlhilwe mo Leineng le le rategang thata la Jesu.
 Banana le bagolo, sokologelang maleo a lone otlhe,
 Mowa o o Boitshepo go tlhomame o tlaa tsena mo teng;
 Masedi a maitseboa a gorogile,
 Ke dintlha tsa nnete gore Modimo le Keresete ba Bangwefela.

¹¹⁴ Ao, mokaulengwe, kgaitadi, fa o ise o sokologe ka nako e, fa o ise o kolobetswe mo Leineng la Jesu Keresete, a o tlaa se dire tshimologo eo bosigong jono? A o tlaa neela Modimo tshono ya go go amogeleta ka mo lefelong kwa o ka kgonang go Mo obamela teng? Gakologelwa, kwa ntle ga moo, ga go na lefelo lepe le Modimo a le sololeditseng go kopana le wena mme a amogelete kobamelo ya gago.

¹¹⁵ Wa re, “Mokaulengwe Branham, ke obamela fela ka bopelophepa go tshwana jalo!” Ne a dira jalo Kaine. O ne a dira tshupelo ya mohuta mongwe le mongwe e Abele a e dirileng, fela e ne e le tshupelo e e fosagetseng. O ka nna wa ya kerekeng, mme wa ntsha ditsabosome tsa gago, wa bo wa dira maikarabelo a gago jaaka Mokeresete a tshwanetse go dira, fela ka bopelophepa jaaka monna kgotsa mosadi ope.

Ke eme fano jaanong ka dinyaga di ka nna di le masome a mararo, kwa le kwa mo motseng mogolo fano, mme ke goeletska Molaetsa ona o o tshwanang. Ke a tsofala. Nka se kgone go nna le lone mo go leelee go feta. Fela gakologelwang, mo Letsatsing la Katlholo, lentswe la me le gatisitswe, mme le tlaa buela godimo kgatlhanong le wena.

¹¹⁶ Go lefelo le le lengwe fela le Modimo a bayang Leina la Gagwe gone, mme moo ga se mo kerekeng, fela mo go Jesu. Go fela lefelo le le esi la kobamelo, fela lefelo le le lengwe kwa o amogelesegileng gone, mme moo ke mo go Moratwa, Jesu Keresete. “Ga go leina le lengwe fa tlase ga Legodimo, le le neilweng fa gare ga batho, le ka lone go ka bolokesegang,” e seng kereke epe, tumelo epe ya kereke, bosengsepe bope. Jesu Keresete!

Mme oo o tshwanetse o nne Molaetsa wa oura e. “Go busetsa dipelo tsa bana mo mannong, kwa morago kwa Tumelong e gangwe e neng ya neelwa baitshepi.” A o ka se E amogelete bosigong jono?

Mme fa re santse re oba ditlhogo tsa rona.

¹¹⁷ Mme bao ba ba tlaa ratang go gakologelwa mo thapelong, lona fela a lo tlaa tsholetsa diatla tsa lona. Re ka se kgone go dira piletso aletareng, ka gore ke fela ba le bantsi. Modimo a go segofatse. Ija! Mo molemeng wa me, ke a fopholetsa go ba le makgolo a le mararo.

¹¹⁸ Jaanong mo mojeng wa me, a lo tlaa rata go tsholetsa diatla tsa lone, lo re, “Ke batla o gopolwa.” Ke a fopholetsa go ba le lekgolo le masome a le matlhano, kgotsa go feta, mo mojeng wa me.

Re na le motlaagana golo fano o o nang le lekgoliba le golo la metsi; moruti, moruti yo o siameng thata, Mokaulengwe Orman Neville, badiri ka nna, banna bana gautshwanyane fano ba lo ba bonang ebole le kopana le bona. Letsatsi lengwe le lengwe, bosigo bongwe le bongwe, oura nngwe le nngwe, batho ba ba batlang go kolobetswa, ba ba sokologileng, lone le tlhola le letile. Mme fa o obamela taelo eo, o tlhomame, ka tsholofetso ya Modimo, fa o le pelophepa ka mo pelong ya gago, go amogela kolobetsya Mowa o o Boitshepo.

¹¹⁹ Go fela lefelo le lengwe la kobamelo. Jaanong, leo ga le mo motlaaganeng. Lone le mo go Keresete. Re tsena jang ka mo go Ena? “Ka Mowa o le mongwe rotlhe re kolebeletswa ka mo Mmeleng ona o leng mongwe.”

A re rapeleng.

¹²⁰ Modimo yo o rategang, fa diatla tsena di tthatloga, di supegetsa se se leng ka fa tlase ga seatla seo mo pelong, tumelo ya gore bone ba tlhomame ba tlhoka thuso mo go Wena. Ke rapelela mongwe le mongwe wa bona, Rara. Mme ke ile go nopolu Lefoko la Gago. O rile, “Ena yo o utlwang Lefoko la Me, mme a dumela mo go Ena yo o Nthomileng, o na le Botshelo jwa bosakhutleng, mme ga a tle go tla fa Katholong; fela o fetile go tloga losong go tla Botshelong.”

Rara, fela go nna yo o tsamaileng mo motsemogolo dibeke di le mmalwa, ke boile, ke kopa, “Ka ga one *ona*?”

“Gobaneng, bone ba ile.”

“Sentle, ga tweng ka ga . . .”

“Bone ba ile.”

¹²¹ Modimo yo o rategang, bongwe ka bongwe re a bidiwa, bongwe ka bongwe re tshwanelia re kgatlhantshe kgwetlo ya go tsamaya go fologa mokgatsha wa moriti wa loso. Mme go lebagane mongwe le mongwe wa rona, jaaka batho ba ba swang. Fela, bosigong jono, Wena o re abetse kokotlelo ya Gago, gore fa re tlaa dumela mo go Ena ra bo re kolobetswa mo Leineng la Gagwe, gore Wena o tlaa re amogela. Mme ka ntlaa eo mo Mmeleng ona, Mmele wa ga Keresete, e seng mo kerekeng; fela mo Mmeleng wa ga Keresete, Mmele oo o setse o atlhotswe. Ga o

na go tshwanelwa go tlaa Katlhholong. Modimo o kgoromeleeditse tshakgalo ya Gagwe mo mmeleng oo, mme mmele oo ga o na boleo; mme, go nneng mo go Ene, go re dira re se nne le boleo, ka Tetlanyo ya Gagwe yo o re swetseng. Mme mo teng moo re na le kabalano mongwe le yo mongwe, fa Madi a Jesu Keresete, Morwa Modimo, a santse a re tshotse re le phepa kgatlhanong le boleo jothle le kgotlelesego.

¹²² Rara, Modimo, ke a rapela gore O tlaa tseela mongwe le mongwe wa bona ka mo Bogosing jwa Gago. Go dumelele, Modimo. Mma go se nne le a le mongwe wa bona yo o timelang; mma go se nne le mosimane kgotsa mosetsana, monna kgotsa mosadi. Morena, bangwe ba batho ba e leng bagaetsho ba ntse fano, bosigong jono, ba ba tswileng fa tlase ga Madi ao. Ka foo ke kgonang sentle ka teng go gakologelwa mafoko a ntate wa me! Mme ke a rapela, Modimo yo o rategang, gore go se nne le ope wa bona yo o tlaa timelang. Go dumelele, Morena. Ke a Go dumela jaanong, ka gotlhe mo ke nang le gone go dumela ka gone.

¹²³ Tsamaya mo godimo ga bakaulengwe ba me, bokgaitsadi, ditsala tsa me, fano mo lefelong lena bosigo jono le ko ntle ka kwa ko ntle ka mogala. Mafatshe a a mmalwa a a farologaneng a rereditseng, tsela yothle go tloga kwa Letshitshing la Botlhabatsatsi go fitlha kwa Bophirimatsatsi. Ke a rapela, Modimo yo o Rategang, kgakala kwa tlase go ralala dikaka koo ko Tucson, kgakala kwale ko Khalifonia, kwa godimo ko Nevada le Idaho, kgakala ka kwale ko Botlhabatsatsi le gautshwanyane, tlase kwa Theksase; fa taletso ena e santse e neetswe, batho ba ba ntseng mo—mo dikerekeng tse di nnye, mafelo a go tshela lookwane, malwapeng, ba reeditse mo go ena. Oho Modimo, mma monna yo o timetseng yoo kgotsa mosadi, mosimane kgotsa mosetsana, ka oura ena, a tle ko go Wena. Go dumelele fela jaanong. Re go kopa mo Leineng la Jesu, gore bone ba tlaa bona lefelo lena la tshireletsego fa go santse go le nako.

Fa, re bona mokwalo mo lomoteng, lefatshe le nna mafafa, nako ya kgololo e gaufi thata. Bontlhabongwe jwa morafe wa rona bo a nwela, bontlhabongwe jo bongwe bo fidikologa mo phantshong ya dithoromo tsa lefatshe, jaaka Jesu a soloeditse go tlaa nna ka teng. Se go letle go nne lobaka lo le leele ka ntlha ya bona, Morena. Mma ba e amogele jaanong, gonne re ba bega fa go Wena jaaka dikgele tsa bokopano, tsa Efangedi, mo Leineng la Jesu. Amen.

¹²⁴ A lo a Mo dumela? Modimo a lo segofatse. Ke ba le ba kae ba ba dumelang gore moo ke Nnete, ntlheng ya molema wa me, tsholetsang seatla sa lona. Ke ba le ba kae mo mojeng wa me, tsholetsang seatla sa lone. Modimo a le segofatse. Go fitlha kwa ke bonang gone, ke mongwe le mongwe. Moo ke Nnete, ditsala. Modimo o a itse seo ke nnete.

¹²⁵ Jaanong fa re santse re le mo go Ena, ebile re leng mo go Ena, le na le tsela ya go tsenela sengwe le sengwe se A se swetseng. Mme ke eng se A se swetseng? “O ne a ntshetshwa ditlolo tsa rona matsanko, a tekotelwa boikepo jwa rona; kwallhao ka ntlha ya kagiso ya rona e ne e le mo go Ena, mme ka dipetso tsa Gagwe re fodisitswe.” A lo dumela seo? A lo dumela mo tetlanyong ya Gagwe ya go fodisa jaanong?

¹²⁶ A go na le balwetsi mo gare ga rona? Mpe bona ba tsholetse diatla tsa bona, mojeng kgotsa molemeng. Masomosomo a magolo a bolwetsi bape. Ga ke kgone go bitsa mola. Lo a bona, ga ke a ka . . . ka se kgone go tla godimo fa seraleng. Ga go tsela ya go go dira.

Ba tshotse dikopano tsa thapelo kwa ntle ko mafelong a mangwe, ka ntlha ya balwetse, ko dikerekeng le dilong, golo ko motlaaganeng.

Ke ile go le kopa sengwe. Ke badumedi ba le ba kae ba ba leng teng? Tsholetsang diatla tsa gago. Go siame. Ke ile go le nopolala Lefoko, ka le le Keresete. Thomo ya bofelo ya ga Jesu ko lefatsheng, le ko Kerekeng, ke raya seo, O ne a bua sena, “Ditshupo tsena di tla latela bone ba ba dumelang; fa ba baya diatla tsa bone mo balwetseng, ba tlaa tsoga.” Ke ba le ba kae ba ba itseng gore ao ke nnete, Mareko 16, e reng, “Amen.” [Phuthego ya re, “Amen.”—Mor.] Go siame. Ke lo kopa jaaka modumedi go baya diatla mo mongweng yo o fa pele ga gago. Baya fela diatla tsa gago mo mongweng fa pele ga gago, mme mpe rona mongwe le mongwe a rapelele yo mongwe le yo mongwe jaanong. Baya diatla tsa gago mo go mongwe gautshwanyane le wena.

¹²⁷ Morena, fano fa pele ga me ke lebokoso la disakatukwi, ditoki tse di nnye tsa dithoto; mme mongwe yo mogolo a letse golo gongwe, a swa, ngwana yo mo nnye a le gaufi le loso, batho ba ba lwalang gongwe le gongwe. Re bala mo Baebeleng gore ba ne ba tsaya mo mmeleng wa ga Paulo disakatukwi le dikhiba, mme di ne di tsa bewa mo balwetsing; mme mewa e e bosula, le mewa e e itshekologileng, le makoa, le malwetsi, di ne tsa tlogela batho. Jaanong, Morena, re a itse ga re Moitshepi Paulo, fela re itse gore Wena o santse o sa le Jesu, lefelo le le esi le le tlametsweng ke Modimo la go obamela. Mme jaanong, gompieno, batho bana ba boletse ka tumelo ya bone e e tshwanang, e le ba ba dumelang jaaka batho bao ba ne ba dira. Go tlhomame gore Wena o ba diretse tsela! Mme ke baya diatla tsa me mo disakatukwing tsena ebile ke kopa gore malwetsi le ditshotlego di tlogele mebele ya batho ba tsena di tlaa bewang mo go bone mo Leineng la Jesu Keresete.

¹²⁸ Jaanong, re a rutiwa, gore jaaka Iseraele e ne e tswa mo Egepeto, mo felong ga maikarabelo, ba ne ba le mo tseleng ya bona go ya lefatsheng la tsholofetso. Lewatle le le Hubidu le ne la ema fa tseleng ya bona. Mme Modimo o ne a lebelela

fatshe ka Pinagare ya Molelo, mme lewatle le ne la tshoga, la fidikologela morago, la bo le letla Iseraele e tlolele kwa lefatsheng la tsholofetso. Oho Modimo, lebelela fatshe fa gare ga Madi a Jesu, bosigong jono, mme mma bolwetse bo fidikegele morago, mme Satane a kgormeletswe ntle. Mme mma batho ba tlolele ko tsholofetsong eo ya botsogo jo bo molemo le nonofo, tse Modimo a rileng, “Godimo ga dilo tsotlhe, Ke rata thata gore lo tlaa atlega mo botsogong.”

¹²⁹ Jaanong jaaka Wena o bona foo, Morena Jesu, diatla tsa batho bana di ntse mo mongweng le mongweng, di bontsha setshwantsho sa tumelo ya bona, e Wena o buileng wa re, “Ditshupo tsena di tla latela bona ba ba dumelang.” Bona ba rapelelana, ka tsela e e leng ya bona. Motho yo o bapileng o a ba rapelela.

¹³⁰ Jaanong, Morena, kgwetlhlo ena e setse e kgatlhantshitswe, Satane yoo, moforetsi yo mogolo, ga a na tshwanelo epe go golega ngwana wa Modimo. Ena ke sebopiwa se se fentsweng. Jesu Keresete, lefelo le le esi la kobamelo, Leina le le esi la Nnete, le mo fentse kwa Golegotha. Mme re tsaya e le sesarona Madi a Gagwe jaanong jaana, gore Ene o fentse bokoa bongwe le bongwe, bolwetsi bongwe le bongwe.

Mme ke laela Satane go tlogela bareetsi bano. Mo Leineng la Jesu Keresete, tswaya mo bathong bana, mme bone ba gololesegē.

¹³¹ Mongwe le mongwe yo o amogelang phodiso ya bona mo motheong wa Lefoko le le kwadilweng, dira bosupi jwa gago ka go ema mo dinaong tsa gago o bo o re, “Ke a amogela phodiso ya me jaanong mo Leineng la Jesu Keresete.” Emelelang ka dinao tsa lone.

Pako e nne ko go Modimo! Lona le bao. Lebelelang ka kwano, digole le dilo ba emelela. Pako e nne go Modimo. Moo ke gone. Dumela fela. Ena o fano. Ka foo go leng gontle!

¹³² Golo mo bareetsing, ka kwa ntle, ko megaleng, lo tshwanetse lo bone! Ke akanya gore motho mongwe le mongwe teng fano, go ya ka fa ke itseng, kgotsa ba le ba ntsi ba bone, ba emeletse ka nako e. Ao, a nako e e gakgamatsang! Bolengteng jwa Morena, ke se go leng sona! “Kwa Bolengteng jwa Morena bo leng gone, go na le kgololesego, go na le kgololesego.” Mowa wa Modimo o a re golola.

¹³³ Jaanong ka A re fodisitse, re a go dumela. O re bolokile; re a go dumela. Bao ba ba batlang go kolobetswa, lekadiba le baakantswe. Nako nngwe le nngwe, oura nngwe le nngwe e lo batlang go tla, go tlaa bo go le mongwe koo go go ela tlhoko.

Mme jaanong ke akanya, pele ga re tswala, re tshwanetse re opeleng sefela sa kgale sa kereke. “Ke a Mo rata, ke a Mo rata gobane O nthatile pele.” Tsholeletsang diatla tsa rona ko go Modimo mme re opeleng ka dipelo tsa rona tsotlhe!

Re batla go kopana nao fano mo mosong, ka boroba bongwe le masome mararo, kago yona e, ka ntlha ya serutwa sa *Lenyalo Le Tlhalo*. Go siame.

A re e opeleng ga mmogo jaanong.

Ke a Mo rata,

Mpe bareetsi ba bagolo bana ba opele seo jaanong! Kgakala kwa ntle ko megaleng, se opeleng, le lone.

Gobane O nthatile pele
Mme a reka pholoso ya me
Mo setlhareng sa Golegotha.

¹³⁴ Go ne ga dirwa kae? Mo setlhareng sa Golegotha. Fa re sa e opela gape, ke batla lone lo dumedisaneng diatla le mongwe gautshwanyane le lone, lo re, “Modimo a go segofatse, moeti wa modumedi.”

Ke . . . (. . . ? . . .)

Gobane O nthatile pele . . .
Mme a reka pholoso ya me
Mo . . .

¹³⁵ Ao, a lone ga lo Mo rate? [Phuthego ya re, “Amen.”—Mor.] A Ene ga a gakgamatse? [“Amen.”] A Ena ke Lefelo la gago la Boiphithlo? [“Amen.”] Ena ke Lefika mo lefatsheng le le lapileng, Tshireletsego mo nakong ya letsubutsibu, Botshabelo bo le nosi jo nna ke bo itseng. Ke gone ka moo:

Tumelo ya me e sololetse Wena,
Wena Kwana ya Golegotha,
Mopholosi wa Selegodimo;
Jaanong nkutlwé fa ke santse ke rapela,
Tlosetsa molato otlhe wa me kgakala,
Mpe go tloga motlha ona
Ke nne wa Gago ka botlalo!

A re tsholetseng diatla tsa rona fa re e opela.

Tumelo ya me e sololetse Wena,
Wena Kwana ya Golegotha,
Oho Mopholosi wa Selegodimo;
Jaanong nkutlwé fa ke santse ke rapela,
Tlosetsa molato otlhe wa me kgakala,
Mpe go tloga motlha ona
Ke nne wa Gago ka botlalo!

A re obeng ditlhogo tsa rona jaanong fa re e opella mo menong.

Fa tharaano e e lefifi ya botshelo ke e gata,
Mme khutsafalo e phatlalala gautshwanyane le
nna,
Wena nna Mosupatsela wa me;
Laela lefifi le fetoge letsatsi,
Phimolela dikeledi tsa kutlobotlhoko di tloge,
Ebile o seka wa nttelelela ke tlhole ke fapogela
Kwa thoko ga Gago.

Fa lo santse lo obile ditlhogo tsa lone, moruti wa rona yo
o rategang, Mokaulengwe Orman Neville, o tlaa phatlalatsa
bareetsi.



LEFELO LE LE TLHOPHILWENG KE MODIMO LA KOBAMELO TSW65-0220
(God's Chosen Place Of Worship)

Molaetsa o ka Mokaulengwe William Marrion Branham o rerilwe la ntlha ka Sekgowa mo maitseboeng a Lamathatso, Thakole 20, 1965, Kwa Sekolong se se Segolwane se se Potlana sa Parkview ko Jeffersonville, Indiana, U.S.A. O tserwe mo theiping ya makenete mme wa gatisiwa ka Sekgowa o sa khutswafadiwa. Phuthololo e ya Setswana e ne ya gatisiwa le go abiwa ke ba Voice Of God Recordings.

TSWANA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org